

陳修園醫書五十種  
二十一

R2-51

34-4

內

經

外

驗

方

百

病

經驗百病內外方

時疫結喉經驗良方 原序

喉間起白如腐一症。其害甚速。乾隆四十年前無此症。近來患此者多。小兒五五且易傳染。誤治不救。雖屬疫氣。究醫之未當也。按白腐即白纏喉。諸書未載。惟醫家心悟言之。症發於肺腎。凡本質不足。道燥氣流行。多食辛熱。感觸而發。初起如發熱鼻乾咳嗽等症。鼻通者輕。鼻塞者重。聲音清亮。氣息調勻。易治。音啞氣急難治。有無知輩。遇症於喉間。妄刮其白。並亂用刀針。益傷其喉。豈不謬哉。治法總不外肺腎二經。宜以養陰清肺為主。

養陰清肺湯。

此方屢試屢驗。須俟服數劑。始見功效。切勿遲疑。自誤。

大生地 二錢

炒八分

麥冬 二錢

元參 一錢五分

丹皮 八分

生甘草 五分

貝母 八分

薄荷 五分

白芍

炒八分 不用引。

體虛加熟地。

熱

加連翹。

去白芍。

燥甚加天冬茯苓。

小便赤加木通。

數日

不大便。加元明粉。

如有內熱及發熱。切忌發表。即照此方連服。其熱自除。症重

酌加分兩。藥味平淡。用當通神。

吹藥方。磁瓶收固。切勿走氣。

青果炭 二錢

黃柏 一錢

兒茶 一錢

薄荷 一錢

川貝母 二錢

冰片 五釐

鳳凰衣 五分

初生小兒

青果炭

黃柏

兒茶

薄荷

川貝母

冰片

鳳凰衣

初生小兒

雞殼內  
之衣

右藥共研細末。再加冰片細杵。臨症吹患處。

喉間起白。用藥切忌者。如麻黃、桑皮、防風、杏仁、牛蒡、山豆根、黃芩、射干、花粉、羌活、荊芥。皆大苦寒涼表散下降之藥。切不可服。最能誤病。又凡喉症。最不可發表。而虛弱者尤不宜破血。是在臨症三思。

乙丑年。余家患喉症死者十人。後得劉仙舟兄此方。服之甚效。因鈔傳親友家皆驗。不敢自秘。敬刊濟世。兼廣仙舟兄之德云。同治五年春月大興周敬一印送

刻重

丁卯月

續刊喉症祕方

丙寅春。得劉仙舟錄傳養陰清肺湯諸方。刊印行世。救人頗效。今復出原本見示。書名重樓千鑰。係古欽鄭瀚樞扶氏所撰。余喜仙舟公世之誠。亟欲全刻廣傳。惟集方甚多。力所不及。茲擇簡便者。續刊十餘方。以為救時之助。使治方愈備。疫氣全消。誠所願也。至刊布全書。更所望於同志者。與有力諸君子。丁卯孟冬月周敬一又誌

紫正散

紫金皮 二錢  
荊芥穗 八分  
北防風 八分  
北細辛 去土

地黃散

小生地 二錢 京赤芍 八分 蘇薄荷 六分 牡丹皮 八分 苦桔梗 八分 生甘草 六分 引

加燈心 二十節

以上紫地二散。每症合用勿煎。用開水泡藥蒸服。如熱盛加連翹犀角。頭痛鼻塞

加開關散。即撫芎一錢 白芷八分煩渴加銀鎖匙。即花粉八分 元參一錢潮熱加柴胡黃芩。咳嗽加麥冬

知母。小便澇加木通。大便秘加元明粉。熱壅肺閉氣喘加麻黃。五分先用水煎去沫再入藥同煮痰

稠加貝母。孕婦去丹皮加四物湯。

辛烏散。一名角散收入磁瓶。勿走藥氣。

赤芍梢 一兩 草烏 一兩 桔梗 五錢 荆穗 五錢 小生地 五錢 赤小豆 六錢 甘草 五錢 柴

胡 五錢 連翹 五錢 紫荊皮 一兩 細辛 五錢 皂角 五錢

以上諸藥。不經火炙。日色內晒乾燥。共為細末。臨用以冷水調含口內。極為開風痰之聖藥。如痰涎極盛。加入燈心灰五分。用川烏尖乳鉢內磨濃汁。調含速效。凡項頸及口外紅腫。用水調外敷立消。或用荊芥煎水調藥頻洗。洗後仍敷。

捷妙丹。治單雙蛾神效。

牙皂 打碎 絲瓜子 二錢兩 新瓦文火炙乾為細末。加冰片少許。用時吹鼻中。患左吹

右。患右吹左。鼻中雙患。並吹取嚏。數次即消。

嚴氏赤磨散。專治一切喉痺纏喉單雙蛾。又喉惡症。吹之立吐痰涎。取效如神。只虛

症喉癰疔瘡不治。

眞血竭

五錢

巴豆

七粒

明礬

一兩

用新砂鍋煉至礬枯。

加梅冰片

三分

礬砂

二錢

共研極細末收固。臨用時冷茶嗽口。吹患處立效。

雄黃解毒丸。

治一切喉痺極危症。

明雄黃

一兩

川鬱金

一兩

巴豆

十四粒

去油

共研細。

醋煮麪糊爲丸。

綠豆大。

每服七

丸。清茶送下。吐出痰涎立效。如至死者。心頭猶熱。撬口灌之下。嚙可活。

火刺仙方。治一切喉痺纏喉。命在頃刻。急須製用。能起死回生。

用巴豆油塗紙上。撚作條子。於火上點著。煙起即吹滅。令病人張口。急刺於喉間。俄

然吐出紫血。即時氣寬能言。並可立啖粥飲。蓋咽喉一症。最爲危險。頃刻腫閉。水米

難下。雖用針刺吹藥。恐一時難瀉毒熱。惟此巴油火刺。可救危急。因熱則宣通。故以

火治之。火氣熱處。使巴油可到。以火散結。以巴油瀉邪熱。以煙吐出痰涎。此誠一舉

三善之捷法也。病輕可即愈矣。症重亦可容再服諸藥。

絳雪丹。

治喉腫喉癰。口舌生瘡。

寒水石

二錢

礬砂

一錢

辰砂

三錢

大梅片

三分

兒茶

三錢

共研極細末。用少許放

舌上。津液嚙之。或吹患處。

金鎖匙。

治喉痺纏喉痰壅。口不開。水下。

焰硝五錢 硼砂五錢 片腦三分 雄黃二錢 白殭蠶一錢 共研極細收固臨用少許

吹患處。

真功丹。凡孕婦患喉症宜此。

大梅片一片 真熊膽用一錢 細臨用并細 蘆甘石七錢 用羌活煎湯 去脚乾 研砂一錢 牙硝二分 研

細吹患處。去如牙硝平即

萬益丹。誤用刀致血流不止宜敷此。

滴乳香去油 真血竭一兩 硼砂一兩 沒藥去油 研細用少許吹刀患處。

附刻

孚佑帝君救喉痛方。

陳皮 貝母 竹茹 木通 當歸 連翹 炙甘草 乳香 沒藥 防風各二錢

引燈心三支 水煎。

治纏喉風滴水不入奇效方。

明雄黃 白礬 牙皂去皮 藜蘆去心各一兩 共研細末。先令病人含水一口。用藥少

許吹鼻內。即將水吐出。少時涎出立愈。

黃瓜霜。專治喉症奇效。

牙硝八成 白礬二成 將大黃瓜瓢取出。納硝礬於內。懸風處。俟霜出刮下。加冰片少

許研細。用時吹患處立愈。吹藥時不可又服別藥

普濟散方。  
倭硫黃 五錢 上上瑤桂心 三錢 母丁香 二錢 四十九製香附 二錢 當門子 一錢

以上各藥。共研極細末。用磁瓶封藏。

凡患吊脚痧者。以此散一分五釐。納入肚臍中。外用暖臍膏藥封貼。如症重逾時不效。再用草紙三四張鋪於膏藥面上。以微火熨斗熨之。或於膏藥面上鋪用食鹽。加生薑一片。以蕪艾灸之。無不立愈。此藥峻猛。斷不可喫。孕婦忌用。

道光初年。浙中多患急症。俗呼吊脚痧。以此散治之立效。今歲時疫相似。用特刊傳。咸豐辛亥秋仲覺因道人識。

神妙經驗痧藥良方。

茅山蒼朮 三兩米泔浸軟切片晒乾 麻黃 三兩六錢去根節晒乾 明天麻 二兩六錢晒乾 甘草 三兩去皮  
微炒 為末 錦紋大黃 六兩晒乾 公丁香 六兩晒乾 眞蟾酥 九錢酒浸化 硃砂 三兩六錢晒乾 麝香 三錢

要上好雄黃透明者研

右藥各研細末。以好燒酒觔半和之。丸如蘿蔔子大。硃砂為衣。候乾磁瓶收貯。封固。備用。能治一切中暑中寒中風瘡瘍。及各雜症。每服九丸。重者十三丸。虛人孕婦忌用。小兒輕用。



展子明傳按骨方。

用旱公牛角一箇火上炙乾一層。榆樹皮白。楊樹葉不拍。黃米麩不拍。花

椒七粒

共為細末。以數年陳醋熬成稀糊。青布攤貼薄木片。纏住時刻。聞骨內響聲不絕。俟定即接。如牛馬跌傷及樹木被風刮折亦能接上。

神驗刀瘡藥方。

生白附子六兩。羌活五錢。生南星五錢。天麻子五錢。白芷五錢。防風五錢。

共為細末。過篩。破處敷上。傷重者黃酒浸服五分。重甚者再服五分。青腫白酒調敷。一切破爛乾敷亦愈。其效如神。

固齒神方。

青鹽五錢。石膏五錢。補骨脂四錢。花椒一分。白芷五分。南薄荷五分。旱蓮草五分。

防風二分。細辛五分。

共為細末。每早洗臉後擦牙。用水頻漱吐之。治牙陳方甚多。苦無大效。昔有人四十後病齒。大牙已脫三箇。遇德州盧南石相國之弟。傳此方用之。動者復固。齒病遂除。即冬月食火鍋並煎炒等物。牙縫裏出疙瘡。用此末多擦一二次。旋即消滅。真第一效驗方也。若於三四十歲即用之無間斷。可保至老不脫。永免牙患。有此神方。諸方

可廢矣。

治痔瘡毒方。

翻白草 一兩 荷葉 一兩 煎湯熏洗。

治鼠瘡方。

豆腐灰 一錢 黃豆 五錢 水銀 五分 人言 二分

共為細末。用香油調擦。過六日起去。再貼膏藥。開列於後。

鼠瘡膏藥方。

香油 半斤 定粉 二兩 頭髮 四錢 黃丹 四錢

先將油熬滾。再下頭髮煎枯黑。去渣離火。入黃丹。再入定粉成膏。用絹紙上攤貼患

處。十八日全好。

猪羊癩瘋奇效仙方。治猪羊癩瘋。時常跌倒。不省人事。竟成廢人。二料除根。

皂礬 一兩 魚膠 一兩 鉛粉 一兩 硃砂 三錢

以上研極細末。每早空心陳酒浸服三錢自愈。經驗。

千鎚膏。

鮮桃仁 一兩 松香 三兩 樟腦 三錢 硃砂 五分

先將桃仁搗碎。入松香再搗。後入樟腦硃砂同搗成膏。遇有大小火癩。及初起紅腫

疼痛麻癢之癩。量其大小貼之。一日一換。輕者消化。重者出頭。去腐生新。極爲神效。  
解吞鴉片生烟毒神方。

凡吞鴉片烟中毒者。用礪砂五分錢以涼水調和灌下。輕則一吐而愈。重則從大便瀉出。此方前從陝西傳來。昨嘉興有中鴉片毒者。照服已救數人。真神方也。

同治十年十一月雪門許瑤光識

哮喘奇方。貼肺俞穴。背脊中骨第三節風府門。

川鳥大錢 連翹八錢 當歸六錢 白芷八錢 木鱉子八錢 白芨六錢 官桂八錢 茯苓六錢

赤芍八錢 草烏六錢 白薇八錢 牙皂五錢 桑枝五錢 棗枝五錢 烏藥六錢 桃枝五錢

柳枝五錢 槐枝五錢

右藥同麻油三斤。浸藥一宿。熬焦去渣。入飛黃丹一斤如麥色。急以桃柳棍二根攪。至滴水成珠。入乳香沒藥細末各四錢。收膏攤貼。三伏九九。其病可以除根。神效。

仙傳百草霜丸神方。治一切吐血鼻血。及七竅流血。失血怪症。遲者不治。

百草霜三兩 陳墨二兩 薑黃一兩 桑葉二兩 三七一兩 連翹一兩 燈心炭一兩

各爲細末。糯米粥取汁爲丸。如粟米大。每服一錢。白溫水送下神效。

腹瀉初起方。

陳茶二錢 燒核桃仁五箇 生薑三錢 紅糖三錢

水煎服。食下即響。響而即瀉。紅柿核紙包水濕灰火煨熟。食四五箇即止。  
 又治腹瀉痢疾方。

生車前子 熟車前子 生山查 熟山查 兩各一

共為細末。用紅白糖紅白蜜。滾水調服二錢。如白痢用白糖蜜。紅痢用紅糖蜜。若紅白痢。白紅糖蜜均用。若瀉之不出者。多加蜜即效。

午時茶方。

茅朮 十兩 陳皮 十兩 柴胡 十兩 連翹 十兩 白芷 十兩 川朴 兩十五 枳實 十兩 查肉 十兩

羌活 十兩 前胡 十兩 防風 十兩 藿香 十兩 甘草 十兩 陳茶 斤二十 桔梗 兩十五 麥芽 兩十五

蘇葉 兩十五 建麩 十兩 川芎 十兩

右研細末。拌勻。宜五月五日午時。合糊成小塊。每服三錢。專治一切風寒感冒。停食。及不服水土。腹瀉腹痛等症。服時加葱薑少許。煎熱服。汗出即效。

治瘡方。

當歸 一錢 陳皮 二錢 草菓 一錢 知母 一錢 川芎 一錢 蒼朮 一錢 半夏 一錢 真烏梅 五錢

燒熱 防風 一錢 杜仲 一錢 常山 一錢 甘草 一錢 檳榔 一錢 荆芥 一錢

共研末。將藥放鍋內炒熟。於瘡未發時。用稀布包裹。搗紫臍上。臍內先以藥末三分填滿。其發必輕。再炒再搗。無有不效。閉口瘡更效。輕者一服。重者兩服。必愈。老年人

不肯服藥。用此最效。

萬應琥珀膏。專治一切癬疥結核。瘡癤初起。已破擦之。生肌止痛。并治刀傷出血及

腐爛者擦之。即可合口定痛。神效無比。

全當歸錢五 大黃錢四 上血竭錢四 川黃連錢四 小生地錢八 黃芩錢四 眞琥珀錢四 生甘草四錢別研

四錢 大楓子肉錢四 黃柏錢四 枯礬錢四

用上好麻油一斤。將藥十味熬枯。油色紫紅。去渣入琥珀末。并黃蠟二兩。候化開離火。

用槐枝一根攪勻。冷定成膏。不可太老。埋入土地。退去火毒。一月取出。用時加黃色

三仙丹少許。調勻。隨時擦之。看瘡輕重。加之。輕以少為妙。重稍多加。不可太多。金刃

傷則不必加三仙丹。此膏愈陳愈妙。

### 化鬱膏。

歸尾錢六 鼈甲錢八 巴豆錢四 黃連錢四 三稜錢四 莪朮錢四 山甲錢二 指甲錢一 以上諸藥用蘇

油一斤半。淨丹半斤熬膏。

研砂錢四 礪砂錢四 阿魏錢六 麝香錢一 高麗參錢四 三七錢四 肉桂錢八 水蛭錢二 於黃梅錢一 胡椒錢一

人收取焙乾研末。存留配用。若水蛭黃色者。不用。有一種色黑。較蟻蟻稍大者。便是。

右藥共為細末。攪入膏藥內。用狗皮攤貼。用無狗皮亦可。貼時用皮硝熬水。棉花蘸擦患

處。令透。拭乾。再切生薑片。擦擦。然後貼膏。忌食一切無鱗魚。鱸。麥。馬齒。莧。黃瓜。生冷。

之物。如係血塊。另加臭蟲二十個。用香油浸透。搗爛。和入膏藥內。攤貼。無不內消。

治癬方。雌黃為末。入輕粉和猪膏擦之。

又方。豆腐乾以麻油煎。取油塗之。

又方。皂筴入醋煎。三日夜。乾為末。敷之。

此方得效最速。而疼痛無比。

又洗癬方。生地二錢 陳皮二錢 麥冬二錢 赤苓二錢 竹茹二錢 遠志一錢 柳枝十寸 甘草一錢

燈心扎一小 濃煎頻洗。

治牙疳菝散。

白菝菜梗炭三錢 兒茶二錢 紅棗炭一錢五分 大雄黃一分 一枝剝開炭 硼砂二錢 人中白錢一

冰片二分

共研極細末。用瓶封固。收存。勿令走氣。每遇牙根腐爛。血肉自落。時時擦之。候滿口涎水。用清水漱去。輕牙根疼痛。重連牙皆落。用此藥上之。神效無比。曾經效驗。因錄出傳之。

擦牙散。

生大黃五錢 熟大黃五錢 生石膏五錢 熟石膏五錢 沒石子一對 青鹽一兩

共為極細末。每早擦之。自能治一切蟲牙。火牙。久久自有功效。

治疥瘡神效方。

硫磺 一兩 輕粉 三錢

先將硫磺入鍋內鍊化。候起烟將燃。含冷水一口噴之。再鍊候起烟將燃。再用水如前噴之。或三四次。或五六次。然後將輕粉放入攪勻。放地上候冷。即凝結成塊。研極細末。加冰片三分。麝香半分。用瓶裝好。擦一切疥瘡。神效無比。如長痛。用蔬油調擦。亦可。不是真疥瘡。萬不可用。慎之。慎之。

倪涵初先生治瘡奇效三方。

瘡之為患。南人患之。北人尤甚。弱者患之。強者尤甚。雖不至遽傷大命。然不治則發無已時。治之不得其道。則惡邪內伏。正氣日虛。久而久之。遂不可藥。倪涵初先生所定三方。甚為平易無奇。絕不入常山草果等劫劑。且不必分陽瘡陰瘡。一日二日三日。及非時瘡。人無老幼。病無久近。此三方不用加減。惟按次第服之。無不應手而愈也。

第一方。

廣陳皮 陳半夏 薑汁 白茯苓 威靈仙 各一錢 蒼朮 米泔水浸一日切片炒 紫厚朴 薑汁炒 黃芩

各八分 青皮 檳榔 各六分 炙甘草 三分

右咀片。如法炮製。加薑三片。井水河水各一鍾。煎九分。飢時服。其渣再煎服。如頭痛。加白芷一錢。此方平胃消痰。理氣除濕。有疏導開導之功。受病輕者。二劑即愈。勿再。

藥可也。若三劑後病勢雖減而不完全愈。必用第二方。少則三劑。多則五劑而已。

第二方。

何首烏三錢 生用 陳廣皮 白茯苓 柴胡 黃芩各八分 白朮炒 威靈仙各一錢 知母二錢

當歸一錢 鱉甲精炙 脆研 二錢 炙甘草三分

右藥加薑三片。井水河水各一鍾。煎八分。加無灰酒五分。再煎一滾。空心服。二煎三煎并服。此方妙在補瀉互用。虛實得宜。不用人參黃耆。屏去常山草果。平平無奇。卻有神效。即極弱之人。纏極重之病。十劑後立有起色。定奏萬全。所云加減一二。即不靈應者。正在此方也。

第三方。

人參一錢 炙黃耆二錢 分錢 白朮炒 一錢 廣陳皮八分 炙甘草三分 柴胡六分 升麻四分

或加何首烏二錢。炒知母一錢。或加青蒿子八分。麥芽一錢。

右藥加薑一片。棗二枚。水二鍾。煎八分半。飢時服用。三五劑。元氣充實。永不發矣。方雖有三。第二實為主方。既不刻削。並可峻補功。獨歸之。其第三方專為有力者及虛極者而設。貧家只多服第二方可也。

久瘡全消力。

威靈仙 蓬莪朮醋炙 麥牙炒 各一兩 何首烏生用 二兩 青蒿子五錢 金毛狗脊去毛 炙 八錢 穿山



甲水炙切細黃丹錢各五 鱉甲酒炙四兩 以上九味共為細末聽用。如小兒加黃雞肫

皮炙末五錢。外用山藥粉一兩。錫糖一兩。

右加水一小碗。為糊搗藥丸如菉豆大。每半飢時薑湯送下二三錢。

凡處暑後冬至前。或間日。或非時纏綿日久。並治瘧母。予嘗酌定此方。服不半料。遂全愈收功。

### 倪涵初先生治痢奇效三方。

痢為險惡之症。生死所關。不惟時醫治之失宜。而古今治法千家。多不得其道。是以不能速收全效。今立方何以為奇。不泥成法故奇也。立證何以為妙。不謬成說故妙也。然其藥品又不外乎常用而已。有識者切不可更改。勿為庸醫所誤。遵而用之。百試百效者也。

### 初起煎方。

川黃連去蘆 條黃芩 白芍 山查肉錢各一中 陳枳殼去穢 厚朴去皮薑汁拌炒 檳榔 青皮

去穢各八分 當歸五錢 甘草 地榆各五分 木香五分 紅花酒炒五分 桃仁去皮尖粉

右咀片。如法炮製。用水二碗煎一碗。空心服。渣再煎服。

此方或紅或白。裏急後重。身熱腹痛者。俱可服。如單白者。去地榆桃仁。加橘紅五分。木香可用三分。如帶滯澀甚者。加大黃二錢。用酒拌炒。服一二劑。仍除之。若用一劑。

滯澀已去。不必又用大黃矣。用大黃於年幼之人。又不可拘用二錢也。

此方用之三五日神效。用之於旬日亦效。惟十日半月外。則當加減矣。方詳於左。

### 加減煎方。

川連酒炒六分 條黃芩酒炒六分 白芍酒炒六分 山查肉一錢 橘紅 青皮 檳榔

各四分 甘草生炙三分 當歸五分 地榆四分 桃仁粉六分 紅花三分 木香二分

右咀片如法炮製。用水二碗煎一碗。空心服。渣再煎服。如延之月餘。覺脾胃弱而虛

滑者。法當補理。具方於左。

### 補理煎方。

川連酒炒 條黃芩酒炒各六分 大白芍酒炒四分 橘紅六分 當歸五錢 人參 白朮土炒 炙甘

草各五分

右咀片。如法炮製。用水煎空心服。渣再煎服。

以上三方。如婦人有胎者。去桃仁紅花檳榔。

以上三方。隨用輒效。其有不效者。必初時投參朮等補劑太早。補塞邪氣在內。久而

五氣已虛。邪氣益盛。纏綿不已。欲補而澀之。則助邪。欲清而疏之。則愈滑。遂至於不

可救藥。雖有奇方。無如之何。則初投溫補殺之也。

微理妙論

古今治痢。皆曰熱則清之。寒則溫之。初起熱盛則下之。有表症則汗之。小便赤澀則分利之。以此五者。舉世信用。如規矩準繩之不可易。余謂五者惟清熱一法無忌。餘則犯四大忌。不可用也。今詳於後。

一曰忌溫補

痢之爲病。由於濕熱蘊積。膠滯於腸胃中而發。宜清邪熱。導滯氣。行淤血。其病卽去。若用參朮等溫補之藥。則熱愈。氣滯而血亦疑。久之正氣虛。邪氣盛。不可療矣。此投溫補之禍。爲最烈也。

一曰治大下

痢因邪熱膠滯腸胃而成。與溝渠壅窒相似。惟用磨刮疏通則愈。若用承氣湯大下之。譬如欲清壅塞之渠。而注狂瀾之水。壅塞必不可去。無不岸崩堤塌矣。治痢而大下之。膠滯必不可去。徒傷胃氣。損元氣而已。正氣傷損。則邪氣不可除。壯者尤可。弱者危矣。

一曰忌發汗

痢有頭疼目眩身發寒熱者。此非外感。乃內毒薰蒸。自內達外。雖有表症。實非表邪也。若發汗則正氣既耗。邪氣益肆。且風劑燥熱。愈助熱邪。表虛於外。邪熾於內。鮮不斃矣。

一曰忌分利

利小便者。治水瀉之良法也。以之治痢。則大乖矣。痢因邪熱膠滯。津液枯澀而成。若用

五苓等劑分利其水。則津液愈枯。而澀滯愈甚。遂至纏綿不已。則分利之為害也。若清熱導滯。則痢自愈。而小便自清。又安用分利為哉。余於此症。素畏其險惡。用心調治。經今二十餘年。百試百驗。既而身自患之。試驗益精。然後能破諸家之迷障。而為奇妙之方論。是用述其顛末。以拯斯人之疾苦。而悉登諸壽域也。山陰倪樞初并論

附治痢奇效方。

端午日用錦紋大黃數斤。切片貯砂器內。以無灰酒浸過頭三寸。每早置烈日內晒滿六十日。如值陰雨。或半日陰雨。以憲書圈注記明。必補足六十日為度。晒足後為細末。煉川蜜為丸。如藁豆大。凡遇痢疾有發熱惡寒者。先服表散藥一劑。停食者先服化滯藥一二劑。兼症退後。即服此丸三錢。開水吞下。得通利而愈。此方不論紅白噤口。休息等痢。服之無不全愈。病久過二十餘日虛弱者。用人參或三分或五分煎湯下。奇效不能具述也。

附治一切腫毒及大小外症奇方。

澤蘭葉 一兩 白芫 三錢 眞黃明膠 五錢 蛤粉 炒成珠

病在肚臍已上。加白芷一錢。病在肚臍已下。加川牛膝二錢。先將澤蘭等藥三味。用酒水各半。三滿碗。同煎至一碗。去渣。投黃明膠再煎數沸。溫服。病重者。連服三四劑。此方得自藏經。曾用治發背。無能療者。及牙癰。囊癰。危急等症。服之無不即愈。不可

輕忽也。

治老人飲食噎塞不通方。經驗數人。凡由氣塞胃寒。以致食噎痰多。吐飯吐痰者。俱宜服。

新雞嗑子兩箇。不去內物。外用濕紙數層包裹。泥封固。炭火煨一時。約內中焦熟。去泥紙灰不用。同廣木香一錢。丁香一錢。真沉香一錢。四味共為細末。棗肉為丸。梧桐子大。噙化津嚥下。日三次。每服七丸。忌酒肉油膩等物。並須寬心順氣。淡嗜慾。薄滋味。靜養則病自愈。

應驗如意散。專治男婦胃脘痛。應驗如神。

青皮 五靈脂 川練子 山甲 八角茴香 元胡索 良姜 沒藥

檀香 沉香 砂仁

各一錢 各一錢 各二錢 各五分 各二錢 香油 去油

以上共為粗末。再將木鱉子錢二切片。同粗末炒至焦色。將木鱉子檢出不用。然後將羣藥研極細末。每服一錢。引用大鹽一粒。將藥同鹽先用滾水化開。能飲酒者。兌酒一小杯服之。即愈。如舊有此疾。并可除根。

人受四時不正之氣。皆能致病。輕者為感冒。重者為傷寒。或傳染為瘟疫。或夏則中暑。秋為瘧痢。若初起之時。用藥不當。往往輕者致重。重者致斃。余竊憫焉。因輯平日經驗簡便諸方。並述辨症用藥之法。使閱者明白易曉。不致誤於歧途。其亦濟世活

人之一助云。唐病方見前

一傷寒初起。其病發熱惡寒。頭痛身痛。遍體拘急。六脈浮緊。感冒略同治法亦無大異輕者用藿香正氣散。重者九味羌活湯。或敗毒散。不過三貼。即可全愈。蓋世間真傷寒少。而感冒病多。辨症不真。若遽用麻黃桂枝升麻等藥。恐引病入陽明胃經。必致胃火薰蒸。胸硬便結。發斑譫語矣。遽用黃連石膏等藥。恐引病入陰經。必致胃寒嘔吐。腹疼便瀉。手足逆冷矣。遽用大黃枳實等藥。必致結胸旁流矣。遽用肉桂附子等藥。必致邪熱騰熾矣。不若此三方。無論感冒傷寒。皆能治之。萬無一失。

藿香正氣散。

藿香一錢 紫蘇一錢 大腹皮一錢 白朮一錢 白芷一錢 茯苓一錢 半夏一錢 桔梗八分

川厚朴一錢 甘草五分

引生薑三片。中滿去白朮。傷食加神麩一錢。

九味羌活湯。

羌活一錢 防風一錢 白芷一錢 川芎一錢 細辛五分 蒼朮一錢 生地一錢 黃芩一錢

生甘草五分

引生薑三片。葱白三寸。有汗去蒼朮加白朮一錢。胸滿去生地加枳殼一錢。桔梗一錢。喘加杏仁一錢。不出汗加蘇葉一錢。

敗毒散

羌活 一錢 獨活 一錢 前胡 一錢 枳殼 一錢 柴胡 一錢 桔梗 一錢 薄荷 八分 川芎 一錢

茯苓 一錢 甘草 五分

引生薑三片。葱白三寸。口渴加黃芩一錢。花粉一錢。咳嗽加陳皮一錢。半夏一錢。熱毒喉痛。加山梔黑炒一錢。牛蒡子一錢。風熱上攻。加荊芥一錢。防風一錢。兼瘡毒。加金銀花一錢。連翹一錢。

一瘟疫初起。其症先憎寒而後發熱。日後但熱而不憎寒矣。傷寒則往來初得之二三

日。其脈不浮不沉而數。傷寒則浮晝夜俱熱。日晡益甚。頭痛身疼。舌上胎如積粉。布

滿無隙。傷寒初起病在半表半裏之間。傷寒初起不可汗。不可下。宜先服達原飲用三

陽加法。所感若輕。一貼即愈矣。如悞認為傷寒表證。用麻黃桂枝等藥。強發其汗。徒

傷表氣。熱亦不減。用大黃枳實等藥。先為下之。徒傷胃氣。其渴必甚。如服達原飲後

邪從內陷者。舌根先黃。漸至中央。宜三消飲。若脈洪數。大渴大汗。通身熱。宜白虎湯。

脈不大口不渴者。則不宜服。若舌上純黃色胎。宜承氣湯。上焦痞滿者。小承氣中有堅結者。大傷

寒有六經之症。惟瘟疫有三陽而無三陰。俱是大熱之症。不可輕用熱藥。

達原飲

川厚樸 一錢 草果 五分 知母 一錢 黃芩 一錢 檳榔 二錢 甘草 五分 白芍 一錢

引生薑三片。午後服。若脇痛耳聾。嘔吐口苦者。在少陽。加柴胡一錢。腰背項痛。在太陽。加羌活一錢。目痛。眉稜骨痛。鼻乾不眠。在陽明。加乾葛一錢。

白虎湯。

石膏 一兩 知母 五錢 甘草 一錢 炒米 一撮 薑 三片

小承氣湯。

大黃 五錢 厚樸 一錢 枳實 一錢

三消飲。

即達原飲加柴胡、羌活、葛根、大黃。

大承氣湯。

即小承氣加芒硝。

調胃承氣湯。

即大承氣加甘草。去枳實厚樸。

一中暑初起。輕則脉虛身熱。口燥咽乾。或吐或瀉。重則卒然暈倒。面垢冷汗。喘滿口渴。

狀類中風。此病切不可飲冷水。當以熱湯灌之。或以皂角燒灰同甘草水調灌。一錢候醒再服湯藥。此症有二。靜而得之。謂居深

謂之中暑。其症頭痛惡寒。大熱無汗。宜服香薷飲。動而得之。謂途中行人及謂之中

熱。其症頭痛大熱。大渴多汗。宜白虎湯。若頭不大痛。身不大熱。僅心煩口渴。小便不



利。大便泄瀉者。宜薑苓益元湯。暑症多屬溫熱。脈雖虛不可輕用。熱藥若誤。之禍不旋踵。汗若一時無藥。辨病不明。不如多服六一散為妙。

香薷飲。

川厚樸薑汁炒 白扁豆微炒 陳香薷五分 川黃連薑汁炒

無引水煎冷服。熱服作瀉服 手足搐搦加羌活一錢。小便不利加滑石一錢。吐加藿香一錢。

嘔加薑汁一匙。渴加花粉一錢。瀉加白朮一錢。下血加黑梔一錢。鼻血加白茅根三

錢。轉筋加木瓜一錢。煩躁加辰砂五分。

白虎湯。見上

薑苓益元湯。即香薷飲分兩減半加白朮茯苓楮苓澤瀉滑石各一錢辰砂甘草各五分煎服

六一散。

滑石六錢 生草一錢 俱研細涼水冲服。

療牙止痛散。止蟲牙痛神效無比。

牙硝三錢 硼砂三錢 明雄黃二錢 冰片一分 麝香五釐

共為極細末。用瓶封固。勿令走氣。每用少許擦牙。吐出涎水。漱盡痛止。

治耳內出膿。血水腫痛。經驗神效方。

人手指甲殼二錢 上冰片二分

焙焦研

共研極細末。用瓶封固。勿令走氣。遇症用藥吹數次自愈。不論左右輕重。皆能取效。

治癩瘡神效方。

蘆甘石飛一兩淨

用甘草水飛八九次。或加冰片三分。蜜陀僧三錢。飛研用猪油調攤油

紙上貼瘡外。用布條纏緊。愈緊愈妙。切勿開看。十餘日後。平復如常矣。魯仲斌親驗所傳。

金仙膏方。

生薑、葱白、韭白、蒜白、各一斤、白鳳仙花莖子葉根全株、槐枝、柳枝、桑枝、桃枝、側柏枝、各半斤、蘿葡子、白芥子、山查子、蘇子、艾葉、花椒、萹蒲、各二兩、陳香圓一兩、小磨麻油五斤熬、黃丹炒三十兩收、白朮四兩、大黃蒼朮二兩、生香附、醋香附、生靈脂、醋靈脂、生延胡、醋延胡、川芎、白芍、當歸、柴胡、薄荷、羌活、獨活、防風、白芷、杏仁、神麩、麥芽、陳皮、半夏、大貝母、膽南星、前胡、鬱金、烏藥、蒲黃炒、赤苓、澤瀉、條芩、黑山梔、川烏、草烏、桔梗、甘草、枳殼、枳實、萐仁、大戟、皂角、官桂、檳榔、黃柏、青皮、木香、靈仙、砂仁、川練、赤芍、桃仁、紅花、沒藥、乳香、三稜、莪朮、煨、廣藿梗、良薑、小茴、草果仁、連翹、殭蠶、全蝎、木鼈、防己、山甲、木通、車前子、明雄、明礬、降香、益智仁、吳萸、黃連、細辛、茵陳、葶麻仁、厚朴、葛根、生巴仁、甘遂、芫花、黑白丑、陳壁土、輕粉、葶藶、各一兩、肉桂、丁香、各二兩、小磨麻油十斤熬炒黃丹收飛滑石六兩、牛膝四兩攪與前膏合併。如油少酌加。治症詳後。

開鬱消積和中諸方而推廣之。能祛風寒。化溼熱。並行氣血痰食。凡咳嗽哮喘。惡心  
嘈雜。噯氣吞酸。嘔吐噎膈。痞塊積聚。腫脹黃疸。瘧疾水瀉。痢疾淋症。疝氣脚氣。一切  
利肺平肝。調胃健脾。皆妙。並治心腹脇肋諸痛。周身走注氣痛。乳塊腹癰。腫毒初起。  
皆可消散。尋常飲食不甘。以此寬胸進餐。勝服神麩。檳榔之屬。治症甚多。不能盡述。  
衰年小兒。俱可貼。婦人兼有解鬱調經之功。跌打損傷。行瘀止痛。亦效。但此方具理  
氣理血升降之用。孕婦忌貼。

紫砂散

統治一切喉痛雙單蛾子牙風牙癰等症

明月石

一兩淨牙硝

五錢

紫荊皮

五分

飛硃砂

五分

大梅片

五分

當門子

一分

揀

共為細末。磁瓶收固。慎勿洩氣。遇症吹之神效。

孕婦忌用

純陽青蛾丹

專治雙單乳蛾喉閉等症。立刻開關。百試百效。真救急之神方也。

青魚膽不拘多少。以生石膏和勻。須乾溼得宜。陰乾為末。每一兩加上梅片一錢。共  
研勻。磁瓶收固。遇症吹之。立即開關。實能回生之妙也。陳者更妙。勿洩藥氣為要。弗  
輕視之。

治喉閉神驗方

大蜘蛛

一箇

要活捉放銀罐內。用白礬末八錢。置罐內蜘蛛上。另蓋小銀罐於上。火

煨存性。取起稍冷。除去蜘蛛。不要將枯礬細研為末。收之。如遇此症。用礬吹入喉內。

功效實屬仙方。效驗非常。勿輕視也。韓協戎經驗傳。

回天再造丸。

真蕪蛇 酒去皮骨並頭尾各三寸 兩頭尖 係草藥出在烏魯木齊非鼠糞也如不得真者以白附子代之其性相似製過用二兩真

真山羊血 五錢 北細辛 一兩 龜板 醋炒兩 烏藥 一兩 黃耆 二兩 母丁香 去油乳香 瓦焙

油麻黃 二兩 甘草 二兩 青皮 一兩 熱地 二兩 犀角 八錢 沒藥 去油 赤芍 一兩 羌

活 一兩 白芷 二兩 虎脛骨 醋對 血竭 另研錢 全蝎 二兩 防風 二兩 天麻 二兩 熟附子

一兩 當歸 二兩 骨碎補 去皮 香附 淨皮毛 元參 酒炒 首烏 製 川大黃 二兩 威靈仙

二兩 葛根 五錢 沉香 見火 白蔻仁 二兩 藿香 二兩 冬白朮 一兩 炒紅麴 八錢 川草薺

二兩 西牛黃 五分 草薺仁 二兩 川連 二兩 茯苓 二兩 薑黃 二兩 子殭蠶 一兩 松香 五錢

川芎 二兩 廣三七 一兩 桑寄生 五錢 冰片 五分 當門麝 五錢 辰砂 飛淨 桂心 二兩 天

竺黃 一兩 地龍 去土 穿山甲 用二錢前後四足各

右藥必須道地。炮製必須如法。共研細末。擇天月二德日。於淨室內煉蜜和合。搗五千杵為丸。每丸重一錢。金箔為衣。外用蠟殼包裹。

專治真中類中。痰迷厥氣。左癱右瘓。半身不遂。口眼歪斜。腰腿疼痛。手足麻木。筋骨

拘攣。步履艱難。及小兒急慢驚風。諸般危急之證。服之立見神效。真有起死還生之

功。故名再造。勿視為泛泛也。

凡遇此證者。旁人切勿驚惶。先將開關散少許。藥店或靈寶如意丹七八粒。研細吹

入鼻中。如能得嚏。證輕。不能嚏者。證重。倘牙關緊閉。不可以銅鐵器撬開。恐傷牙及

唇舌。並恐驚其心。用烏梅一兩。箇分開。塞左右腮。擦之。自然開矣。

如左邊疼痛不能運動。用四物湯。當歸三錢。生地錢半。川芎八分。芍藥一錢。

如右邊疼痛不能運動。用四君子湯。黨參三錢。甘草四分。白朮土炒一錢。茯苓三錢。

如兩邊疼痛。則兩方並用。其桑枝只用三錢。俱空心服。

凡服此藥後。神氣清爽。漸思飲食。間有一二處屈伸不利。此係熱痰留於關節。須用

稀荑草二錢。防風一錢。歸身一錢。白芥子一錢。紅花八分。煎湯。以新白布搗熱藥水

擦摸。一日兩三次。便能運動如常。凡中風口開為心絕。手撒為脾絕。眼合為肝絕。遺

尿為腎絕。鼻鼾為肺絕。吐沫直視。髮直頭搖。面赤如粧。汗綴如珠者。不治。或只見一

二證。尚可得生者。急以此丸如法服之。

小兒驚風。本屬易見。抱龍丸平安如意散。均可治之。此丸力大勢猛。未及雙週歲者。

筋柔骨軟。究非所宜。非十分險重者。勿服。孕婦忌服。

記再造丸真方。

古方再造丸。為專治風痰偏痺之良劑。流傳既久。用多不驗。或轉以致害。識者疑之。聞

昔有醫士擅真方。貨其藥奇效。獲厚利。思祕之。而以偽方應求者。於真方內減去紅麴。

廣三七真山羊血三味。而加入人參、膽星、紅花、廣木香、西琥珀、水安息、六味。人見其人參也。輒色然喜。迨服之疾弗愈。又反咎疾不與方宜。於方固無尤也。而其方竟傳。後醫士物故。乏嗣。或得之破篋中。而真方乃稍稍出。古人謂醫者意也。岐黃復生。其心若理與人同。治水者不導水而先修其防。不潰決焉不止。禦盜者不驅盜而先塞其竇。不劫奪焉不止。是方入人參。卽所謂修防塞竇也。欲以治疾。不殺人不止。余竊憂之。求之三十年。而始獲真方。積數年。而始獲全藥。藥成投疾。疾立瘳。又行之十餘年。而百不爽一。至是而益信古人立方之妙。而歎僞方之流禍匪淺鮮也。余自慚不能理陰陽。噓枯生春。登斯民於仁壽。又未讀三世之書。如越人輩。立起膏肓。徒區區抱一方。愈一疾。所濟幾何。所益幾何。雖然。宇宙大矣。人之好善。誰不如我。果傳其方於人人。俾人人得轉傳其方。以一人濟天下之人。誠不如天下之人各濟天下之人。況傳之日久。僞方以燬。真方愈明。從此千百世下。有方之利。無方之害也。余之志也。余之幸也。爰書其梗概。而錄其方於左。

咸豐十年庚申季夏。延川李宗沆。記張辛伯大令經驗傳。

### 急痧應靈散

霍亂一症。皆由寒邪鬱結。氣閉不通。因而吐瀉交作。後至力乏陰虛。血液枯涸。則筋脈攣急。手足拘牽。卽俗名吊脚痧也。此症朝發夕死。夕發朝亡。無論藥力不及。卽重猛烈

之品而執劑。劫陰終於不救。此散藥雖峻猛。而納於劑中。自能溫通臟腑。不致傷陰。乃古名醫所傳。試無不驗。識者珍之。治痢症能溫通減輕。治陰症亦見效。但須善其後耳。

上 檫桂心

八錢

母丁香

二錢

倭硫黃

五錢

生香附

八錢

當門子

四錢

右藥共研極細末。

每次

二

分。納入肚臍中。

用膏藥封貼。

無論何項膏藥

立即止痛。但藥性

猛烈。斷不可喫。孕婦忌用。

土硫黃不可用。恐傷胎。

戊子夏。旌德呂蕢卿太守過滬。出示此方。並云光緒三年秋初。余由蘇回揚。忽患噤口

痢。日數十遍。腹痛不止。至越河而益劇。醫士王醉亭持此藥代治。登時止痛止吐瀉。主

醫謂余曰。此方功大速效。治痢之急。不足盡其妙。今孺螺痧四肢發冷。用藥外以薑

灸臍速效。





白 汰

曠 挾

治 微



洞主仙師白喉治法忌表抉微

耐修子敬錄并序跋加注

余素未習醫。咽喉一症。尤屬茫然。今年正月。余三兒自至戚汪大令。染患白喉。延同鄉某甲醫診治。據曰。此喉痺也。切不可破。破則不治。方用牛蒡、桔梗、殭蠶、杏仁、荊芥、防風等藥。一劑而汗出。然鼻塞矣。再劑而熱退。然音啞矣。又延診之。則曰邪退其半矣。以前方略加增減。一劑而白塊自落矣。再劑而鼻流鮮血矣。又延診之。則曰邪皆外出矣。又以原方去荊防杏仁。加射干、黃芩。一劑而喉外暴腫。再劑而喉內全爛。且頑痰上壅。骨節漲滿。神志煩悶。睡寤恍惚。始知藥誤。急改延某乙醫來視。曰。誤服表藥。受患過深。不可救矣。姑以龍虎二仙湯灌之。卒無效。未幾而汪之女及婢相繼患此。鑒於甲醫之失。不敢服藥。令老嫗挖去白塊。出涎血升許。尋愈。幾不解其何理。嗣於友人處。假得鄭梅澗先生重樓玉鑰一書。閱之。乃知白喉一症。只可滋陰。不可發表。甲醫所用之藥。全在禁忌之列。而鼻塞音啞。與白塊自落。鼻孔流紅。皆為誤表不治之症。惟不可破一語。則與甲醫相合。更無解於汪氏女婢之因破而愈也。方思摘其大要。刊布流傳。免世滋誤。乃未一月。而汪君亦病此。仍不敢延甲醫。亦倩老嫗搥破。而病不減。另延某丙醫診治。其所用藥。與重樓玉鑰中所載養陰清肺一方。大同小異。因未大效。又復倍用生地。惟尚不免有一二禁藥。攪入。服更不效。病家以為

生地之誤。又另延一僉醫者。全用藥表散。連劑並進。而種種敗象。一時俱見。知為內  
 陷。仍歸咎於養陰。亦改延乙醫觀之。並未出前方相示。乙醫以為症由風邪。失未表  
 散。亦投蠶蟬勞勃等藥。竟不救。余時亦未見僉醫之方。近始索觀而知。當日但謂病  
 有兩歧。藥難一致。前所欲摘要刊布者。至此遂不敢下筆矣。又一月而余妾亦病。始  
 則骨節疼痛。渾身發熱。喉間乾痛。而無白點。乃立意延乙醫診視。以其向治喉症。類  
 能分別透澈。必可辨悉病源。及診脈象。云是浮緊。恐係風邪。略應表散。然一劑而音  
 症再劑。而氣逆似覺不合。適有某丁醫過訪。請其覆按。瞿然曰。此白纏喉也。如何可  
 表速服。養陰清肺湯。方可補救。時熱尚未退。探視喉間。微有白象。余以乙丁之言。迥  
 然相反。茫無率從。乃齋沐設壇。敬請洞主仙師判斷。所語悉如丁言。並示白喉斷  
 無發表之論。命於養陰清肺湯中。加蠶食過桑葉孔多者三片。青麟丸五分為引。一  
 劑之後。即照原方。不必加引。至愈而止。當即遵服。次日即大解一次。色赤黃。並發斑  
 疹。遍體皆是。此種斑疹乃白喉症所恆有。係服藥見功。浮邪外出。乃是此時熱已全  
 退。而喉間白塊。遍滿矣。余恪遵仙諭。始終守方五日。而瘳。長次兩兒。次第傳染。審  
 其情狀。症亦相同。深信不疑。即以養陰清肺湯投服。或便粘痰。或發斑疹。服三劑而  
 熱清。喉間均稍露白點。不移時而退。盡竟未大發。乃堅信養陰忌表四字。為治白喉  
 者。歷劫不磨之論。乙醫為余年交長。虛心而善悟。見此不覺五體投地。爰復迭次虔

請逐層質疑。得頌箴論。並命作表。以喚迷津。前後共三千餘言。一片婆心。流溢行間。字裏自此濟人有術。所活奚止恆河沙數哉。仙師廟在奉天。前於戊子歲在奉降壇勸賑。凡助賑求方者。莫不藥到病除。神妙不可思議。偶立方論。洞澈源流。決非凡手所能夢見。此論一出。岐黃家當可奉為金科玉律。不致再入歧途。爰敬錄之。並將張善吾所著捷要書中語之相合者。分注於下。刊印行世焉。

洞主仙師前論 答耐修問

白喉古無此症。故少專書。世稱難治。然非難也。未明其理耳。人但知肺之灼。而不知由於胃之蒸。人即知胃之熱。而不知由於腸之寒。腸寒則下焦凝滯。胃氣不能下行。而上灼於肺。咽喉一綫之地。上當其衝。終日蒸騰。無有休息。不急治。與治之不當。則腫且潰。且閉矣。捷要云。白喉初起。惡寒發熱。頭痛背脹。遍身骨節疼痛。喉內或極痛。或微痛。或皆白塊。甚至滿喉。皆白者。所治皆同。治之之法。惟有以厚重之藥。鎮其上層。如以巨甄蓋鼎。使燄不上騰。復以清涼之藥。潤其次層。如以濕綿禦火。使火不內射。極盛者。再掃除其中宮。以抽柴薪。開通其下道。以漏炸炭。醫者之能事畢矣。夫自上至中。至下。本有可通之路。而必開其旁門。反使四塞左矣。邪毒之內蘊。火也。實烟也。尋常表邪。輕烟而已。此則如蠻雲毒霧。翳鬱鬱一經表散。僅能紛竄於經絡之中。而不能透出於皮毛之外。愈入愈深。有入無出。迨自知其誤。翻然改計。不先追其藥毒。而徒盡其當然。無益也。解表藥之毒。春

用蠶食過桑葉孔多者三片夏用荷花蒂連鬚者七箇秋用葶薺苗稍黃者九枝各寸許冬用生青果核磨汁或打碎五枚不必拘定四時但有現成鮮者可用卽用之加入養陰清肺湯中爲引一劑後照全方服不加引捷要云幸溫之劑視病之輕重以生藥豈研細末重者一茶碗輕者一酒杯冷水調服另煮大米粥一碗先服粥後服此症起時發熱者藥則誤服之劑卽能解除矣等語如以上四引不現成卽用此法亦效

多症之輕者脈不甚洪實初不見白醫者不察往往誤爲風邪用表藥而熱退方謂其效也及白點既見而病已增重大半矣捷要云白喉初起惡寒發熱乃毒氣初作於內至藥其熱亦自退也至改服養陰一二劑而不見速效又復反覆改圖一誤再誤其

有不殆者乎故誤症既的尤以守方爲第一義也捷要云如有內熱及發熱服方服去病不除白何能淨愈發白愈守方久吾謂風邪之症亦宜清解亦不宜於表散表之過久服之自有效驗切勿求速而表散

當不外出而內竄勢易易也且立意不用表藥則中下之醫不能辨症於初起者亦不致大誤而殺人玉鑰書中忌用諸藥出於名醫手定人嫌其選擇之過泥吾猶謂其徵引之未全細辛升麻桂枝蘇葉之不可用固不待言卽殭蠶蟬退馬勃等品治喉家所

奉爲至寶者皆殺人之具也各宜守之如厲禁視之如飀毒庶不誤矣查汪某之病亦是白喉藥不誤於前此之滋陰而誤於後來之表散況黃芩一味涼入細竅猶投炭於

瓶而嚴塞其口火雖滅而烟留再以厚重之藥並用而鎮之愈蒸愈緊非特不能交濟其功抑且相助爲虐其毒至死而不能出者職是故也至其女與婢之病亦均纏喉惟

其功抑且相助爲虐其毒至死而不能出者職是故也至其女與婢之病亦均纏喉惟

係輕者。童體氣盛。故以挖破而效。然非通法。不可爲訓。若以治弱人。則頃刻而靡矣。汪某之病。胡獨不誤於此耶。三郎所遇之醫學。淺性泥。更不足道。當其來診之初。白塊已遍滿。但稍經涉獵者。即可辨認。況行道有年。而猶妄用表散。一再不已。是何故也。至三日而毒竄已深。雖有神仙。亦不能救。甚矣牛蒡射干等藥之爲禍烈也。耐修經此數端。聞吾之言。大旨當可明曉。其擇近時喉症書之近穩者。細觀各方中之用藥。刪其應忌之品。不可容留。一孽以可用者。分爲正將。猛將。次將。三表。每表分作四層。上層爲鎮藥。如龍膽草、石膏、生地、元參之類。次層爲潤藥。如瓜蒌、貝母、丹皮、天冬之類。又次層爲消藥。如厚朴、神麩、枳殼、麥芽之類。下層爲導藥。如大黃、元明粉、車前、澤瀉之類。約藥四五種。按症輕重。分別施治。亦已足矣。其中消導之藥。非熱極便結。不可輕用。但能鎮潤得宜。則中下自會通暢。不可不知。表後列忌用諸藥。添入前人漏列者七八種。注明害處。俾盡人一目瞭然。胸有成竹。設遇醫者開方。觀其所用之藥。如有不列於藥隊者。以及妄用禁藥者。或病輕而遽用猛將者。皆不可服。更以服禁藥後所現不治症象。臚列於後。庶可觸目驚心也。稟成見質於吾。尙有要言。

遵定藥將三表

係乞乙醫  
某君審正

三將之中。以正將爲定法。而以猛將馭其重。次將馭其輕。四層之中。又以鎮潤爲定法。而以消藥去其滯。導藥利其行。鎮潤之中。又以養陰清肺湯爲定法。而以他藥濟

病之偏頗。輔方之不足。審定主賓。因症施治。若網在綱。有條不紊。至於禁忌之藥。不可以一試。即偶雜一二於良藥之中。猶致全羹俱壞。况專恃之以為定法乎。其不現種種敗象。而逼悶以斃者鮮矣。法戒具備。行道者其詳而審焉。

白喉正將

此係大中至正之藥。極穩極效。惟中下層藥。非熱甚之症。大便閉結者。尚宜慎用。

上層鎮藥

大生地

元參

煨石膏

麥冬

次層潤藥

天冬

當歸

白芍

丹皮

貝母

薄荷

生甘草

中層消藥

大木通

神麩

焦查肉

陳皮

砂仁

下層導藥

郁李仁

知母

生土牛膝兒

澤瀉

青寧丸

養陰清肺湯

日服二劑。重者日服三劑。若病勢無增。即自加甚。仍照方服。始守定。不可移易。

大生地

一兩

麥冬

陸心錢

白芍

四錢

薄荷

五分

元參

八錢

丹皮

四錢

貝母

四錢

牛甘草

二錢



此方乃治白喉之聖藥。翼然入柱。顛撲不破。其中有鎮潤。而無消導。蓋所謂鎮潤得宜。下元自會通暢。無所用其消導也。分兩悉照原方。不可輕重。小兒減半。守方服去。自然全愈。切勿中改。

白喉猛將者非極可輕之用搗而出之所以使人之憤也

○如胸中漲悶者加神麴石膏四錢○大便燥結數日不通者加大木通一錢○元明粉二錢○赤身熱或渴者加天冬三錢○馬兜鈴三錢○面

上層鎮藥

- 龍膽草
- 生石膏
- 犀角

次層潤藥

- 瓜蒌
- 生梔仁
- 連翹
- 川黃柏
- 馬兜鈴
- 藍草根

中層消藥

- 中樸
- 枳實
- 萊菔子

下層導藥

- 生大黃
- 元明粉

神仙活命湯

重者日服三劑候病稍減仍服三劑清肺湯

龍膽草

二錢

元參

八錢

馬兜鈴

三錢

板藍根

三錢

生石膏

五錢

白芍

三錢

川黃柏

五分

白喉台去火散

藥將表

生甘草 一錢  
大生地 一兩  
瓜蔓 三錢  
生梔子 二錢

凡白喉初起。即極疼且閉。飲水即噎。眼紅聲啞。白點立見。口出臭氣者。方可照此方煎服。或已延誤二三日。症已危急。或誤服表藥。現出敗象。非輕劑所能挽回者。均須此方以洩其毒。

錢如舌有芒刺。譫語神昏者。再加犀角。鎊二錢。大便閉塞。胸下滿悶者。加中棧二錢。三錢。澤瀉二錢。母車前子三錢。

白喉次將之症。皆以此等藥。清解之。切不可發表。則不可救。

上層鎮藥

次生地  
粉葛根

次層潤藥

金銀花  
冬桑葉  
薺梗  
枇杷葉  
紫苑  
柿霜

中層消藥

小木通  
枳殼  
炒麥芽  
竹葉

下層導藥

車前子  
燈心  
蓮子心

除瘟化毒湯  
日服一二劑。如症加重。即服養陰清肺湯。

粉葛根 二錢  
金銀花 二錢  
枇杷葉 一錢五分  
薄荷 五分  
次生地 二錢  
冬桑葉 二錢  
小

木通 八分 竹葉 一錢 貝母 二錢 生甘草 八分

白喉初起症象輕而白未見。即服此方。俟一見白象。白起時甚微須詳細即改服養

陰清肺湯勿遲誤。如不白。即服此方。均勿發表。如大便閉者加瓜蒌二錢一錢五分炒

加麥芽二錢小俱短赤者車前子三錢燈心二錢

以上三方加味各法。均須隨時斟酌。若見症不甚重者。或於所備二三味中。酌加一

味。或以分兩減輕。庶無偏誤。

白喉一切禁忌之藥。白喉初起發熱居多。往往內陷。此等藥而

麻黃誤用音啞桑白皮肺已虛瀉紫荊皮破血杏仁苦降牛蒡子通十二經山豆

根不可射干音啞天花粉不宜羌活過表荆芥不可防風不可黃芩過涼桔梗

肺虛不柴胡升散前胡發散升麻升散僵蠶不可蟬退可升桂枝散辛

不可細辛辛散蘇葉不可馬勃不可疔蠶不可蟬退可升桂枝散辛

白喉誤服禁忌諸藥。所現各種敗象。白喉症論中誤服藥所成

七日滿白不退。服藥大便不通。領下發腫不消。服藥嘔吐不止。音啞鼻塞

鼻孔流血。喉乾無涎。白塊自落。天庭黑暗。兩目直視。面唇俱青。角

弓反張。痰壅氣喘。汗出如漿。藥不能下。肢漲神倦

乙醫曰以上各象重者用猛方輕者用正方以期補救。惟脾泄之症宜兼顧脾藥。須另設

未服藥大便泄

用生地五錢參冬三錢丹皮錢半元參二錢中薄荷七分薑香錢半砂仁二錢川貝二錢炒麥芽三錢甘草一錢薑香錢半砂仁二錢粒川貝二錢炒麥芽二錢

服藥腹瀉不止

用生地五錢參冬三錢丹皮錢半元參二錢中薄荷七分薑香錢半砂仁二錢川貝二錢炒麥芽三錢甘草一錢薑香錢半砂仁二錢粒川貝二錢炒麥芽二錢

洞主仙師後論

答乙醫某生問

白喉初起發熱。此時鬱勃之火。全集於肺胃二經。故脈象未有不浮緊者。迨熱退白現。而肺虛之本象見。於是始有塌陷之形。某生所見各症。大率在二三日之後。故僅知有塌陷。而不知其先必從浮緊來也。雙單蛾症亦屬於裏。凡肺之本色。上現於喉。始有此象。豈有皮毛之症。而能顯此形色於吭舌之間乎。惟肺氣虛損未形。故脈象浮緊之日多。輕者略用表散。尚不至於大誤。或症本重。或表散過當。勢亦至於虛敗而脈塌陷。表而愈者。其暫表而誤者。其常故不如養陰而兼清解。為速效而無弊也。證異治同。世醫不有言之者乎。捷要云雙單蛾症治之稍緩則氣閉不起宜用生土牛膝兜引熱下行此症與白喉同治更不宜於表散也

症與白喉同治更不宜於表散也

白喉用藥鎮之潤之。原欲其入於胃。入於腸。以尋去路也。惟下焦不

甚窒塞者。既鎮且潤。火毒自駸馴而下行。原無所用其消導。若火毒蘊結。下焦不通。其勢不能不宣洩之。蓋既鎮之不使上行。潤之不使旁達。倘不入於胃。不入於腸。將安歸乎。某生所謂恐毒陷胃者。尚非探本之言。捷要云須從上焦引至中焦由中焦引至下行

此為吉兆等語即此意也

若宜消而不消。宜導而不導。或消導而未得宜。既不能上。又不能下。則

惟內陷於胃而已矣。耐修子曰白喉用養陰清肺湯而不見速效甚至倍用鎮藥而更必

係胸膈漲滿大便閉結此時只宜加入消導之藥一二種使下通利病即去其大半且  
加藥分兩無須過重蓋此時鎮潤之力已足稍開一釐即如建飯而下勢甚易易若改中用  
表散則如金匙驟壞橫決四溢其勢洶湧不可至此至云上熱下寒者宜以熱藥冷服此指  
復救害更甚於初起時之表散注病即誤於此

眞寒假熱而言白喉之症係眞熱假寒何所忌於寒涼乎火毒既攻於中上則下元不  
寒而自寒樸麴查麥固皆帶溫之品輔以清降之藥引使下行本最有益若熱極盛則  
非硝黃不足通道路猛藥疾馳而下裏熱以行性不流連腸胃何致受病猶以一器盛  
沸湯而置冰塊於中傾入一冷盞內水熱固以大減而以手按冷盞則反涼爲熱矣此  
借敵作導之法用其停熱以爲行熱固不害於腸之假寒也惟非極險之症不必輕用  
此猛藥耳向來治溫症者有涼降無表散白喉乃溫症中最重之一端敵兵已至城下  
重兵以圖之猶慮不勝尙能以談言微中解其紛乎故諸溫症中尙有參用蠶蟬岑桔  
荊防諸品者若用之強兵壓境如白喉勢直同於玩敵矣有不滋蔓燎原者乎故鎮之  
者重兵以扼之也潤之者恩信以勸之也威德並用敵可託矣而猶未濟則惟有直掃  
其老巢仍留其歸路敵自不逞而退矣此百戰百勝之法也若升提之則火以扇而愈  
熾表散之則火以分而愈多即或不然用清涼平淡之品以澆灑之不能息其燄抑且  
揚其烽而上下左右莫不受害矣其猶可翦除撲滅乎擬表妥適三表之後可各立一  
方正將後用養陰清肺湯此方出自大名醫之手不特藥味不可移易即分兩亦不可  
重輕耐修子曰此句須看活假如生地本係一兩如用一兩二錢則統加二成如用八

不啻五倫原方本僅五成之一嫌其太輕  
不足取病茲照單刻方定數用者酌之

如病有偏頗則擇三表中應用之藥加一二

味以爲引足矣。總宜以此方爲坐守之老營。決無喪師失律之大辱。惟誤置一二禁藥於其中。則害且變本而加厲。懷之慎之。某生欲以白芍易桑葉。此大不可。桑葉固有時可加。白芍則萬不宜去。夫五臟之密編。肺胃者惟心與肝。不有以護之。害且立至。白芍乃固守心肝之要藥。具見立方者之苦心。豈宜移動耶。猛將後按神仙活命湯。去其禁藥。增猛潤藥以足之。次將後按除瘟化毒湯。去其禁藥。增次潤藥以足之。凡鎮藥宜重用。潤藥次之。消導藥宜輕用。猶之軍行萬里。但有一人一騎。以爲鄉導足矣。多則紀律不整。反滋事端。三表中則猛將宜輕用。正將宜重用。次將亦宜輕用。蓋正將守其常。猛將出其變。而次將用於暫也。神而明之。存乎其人。吾言亦盡於此矣。此症本不難治。治之不善。而種種敗象見。非此症之本象。實投禁藥者有以造成之也。與生而致死。同一綫幽微。氣不能透。因而逼斃。其心不卽死也。故死於此症者最慘。行醫者當思患病之人。或爲孝子之父母。或爲慈親之子女。或爲待育之壯丁。或爲守成之家督。或爲無父之孤兒。或爲數家之獨子。當其病劇。呼天籲地。拜佛求神。無所不至。一經不起。合門長幼痛哭失聲。肝腸寸斷。抱此奇慘而言及醫家。猶以本有割股之心相諒。置不與爭。故醫者雖殺多人。終不能自知其失。然受害者諒之愈深。造孽者積而愈重。雖曰無心。而漫不經心之罪。豈能擢髮數哉。若一朝誤治。退而深思。以期萬一之當。則死者雖不能

生生者猶可不死。乃有始終執一。狃於一偏。人命之大。憐焉不加察。吾不知其本心之仁安在焉。自有此論。而猶有固執己見。視人命如草芥者。直以有心殺人。陰律有所不貸。吾亦末如之何也已矣。歐陽公曰。求其生而不得。則死者與我皆無憾焉。言治獄也。而吾謂行醫亦然。再定一吹藥方。以成全璧。

白填鴨散

此方以血肉冲和濟金石寒烈。誠委於金水二命之間。虛實皆宜。攻補兼顧。可救命於奇險。時勿等閒用過。

用純白公鴨一隻。自霜降日起。每日用麩麪和蝸牛地龍柿霜瓜萋霜古錢醋煨為末。各等分。計麩麪七成。藥三成。捏成小團。卯酉時各填十二箇。關閉籠內。不使多走。所遺之糞。

另以一器收好。至小雪日交節之時。宰取喉頸骨連喉管肺管及肺。宰時以刀刺膜。勿割其喉。忌見。

水置瓦上焙乾為炭。存性。另以一月內所遺鴨糞。用清水漂去其垢。澄去其土。至淨

為度。帶水研至極細。澄定。瀝去水。亦置瓦上焙乾為炭。存性。與前炭置一處。共研細

末。加蝸牛焙黃四十九箇。用舊壽州煙斗口門七箇。用凸起處。一箇餘勿用。洗淨烟渣。火上微

烘。二物同研極細。再與兩炭合研拌勻。磁餅封固。置低潮處。以去火氣。臨用時加入

冰片硼砂。人指甲。黃炒。人中白。鴨嘴膽礬。五種細末。各少許。計前炭七成。後藥三成。頻頻吹之。雖

已閉之喉。猶能開通一綫。即以蜜水冲少許服。亦良佳。真萬金之聖藥。八洞之祕方

也。

此論專為濟急而設。糾謬而設。至善後之方。用當歸茯苓玉竹女貞等藥。時醫優為之。

吾可無須。饒舌矣。

耐修子曰。敬讀前後二論。知昔人論白喉者。以鄭梅澗先生重樓玉鑰所載。最爲謹嚴。細慎。特寥寥數語。未能剖悉源流。行醫家每多未見。卽見亦習焉不察耳。近有專刻其養陰清肺一方。印送者。按此施治。全活衆多。至張善吾白喉捷要。蕭海雍白喉證論。雖亦主於養陰忌表。立論多中肯綮。而所立各方中。如殭蠶。蟬蛻。豆根。黃芩。牛蒡。馬勃。諸禁藥。猶未盡去。時醫宗之流弊。尙不能免。此論一出。洵如赤日當天。無微不至。利濟羣生。豈淺鮮哉。余在奉天。隨侍賑壇一載。習聞緒論。而白喉祕旨。及今始得聞之。若早明此理。三兒可不至死。然猶幸余妾之轉危爲安。長次兩兒之獲治。卽愈也。北地此症盛行。不救者多。大率皆服表藥之誤。其得愈者。皆守玉鑰書中養陰清肺湯方者也。如或攙入一二禁藥者。雖服此而亦不治。今得此論流傳。家喻戶曉。則此症雖危。弗危矣。乙醫勇於知過。默契慈心。丁醫決於當幾。暗合妙旨。皆爲當時賢者。卽如甲醫之久執一偏。丙醫之未達一間。苟見此書。必當廢然思返。油然有進。堅持此意。立心活人。安知不終爲 仙真所許可哉。姑皆隱其姓名云。光緒辛卯五月敬跋。

子午香室主人曰。白喉一症。罕有能言其詳者。卽時醫中認症無差。用藥不誤者。亦但能行其當然。而不能知其所以然。彼妄投表散。殺人如草者。更不知此症爲何物。



矣。此書一出。俾數十年之翳障。昭若發矇。上焉者可臻變化之神。下焉者更不致有歧途之誤。卽不行醫者。按此治人。或以自治。亦可十不失一矣。此症盛於北數省。有志濟人者。能刊印傳流。遍及窮鄉僻壤。其活人功德。當不在散財施粟下也。壽民曰。此後億萬人胸中。各有養陰忌表四字在。則患白喉者。從可免倉皇無主之虞。亦可免胡亂求醫之誤。善哉。

乙醫曰。其服養陰而未速效者。乃不知加味。與加味不當之故。宜細察其症之輕重。照方後加味法。斟酌施治。無有不效。切勿改圖。以致壞事。間有服表散而若有效者。乃體本壯。或症本輕。尙未受其症誤。非藥之功。萬毋據其偶然者。以爲法。余服膺明訓。嗣此謹守弗失。願海內行道者共佩之。幸甚。

白喉治法抉微終

白喉症治養陰忌表歌括

忌表扶微書已成帙。復作是歌。以便記憶。刊此印布。更易為力。仁人廣傳。功德無極。

養陰清肺湯。始終要守方。隨症酌加味。連服效自彰。

養陰清肺湯。

大生地 一兩 麥冬 六錢 杭白菊 四錢 薄荷 五分 元參 八錢 貝母 四錢 丹皮 四錢 生甘

草 二錢

此方為白喉大中至正之藥。不可妄擬增刪。初起發熱者。照方服去。其熱自除。即白加甚。仍須守方。如發斑疹。係藥見功。始終服此。至愈而止。重者每日三劑。輕者二劑。

切忌妄用表散。

如胸下脹悶者。加神麩 二錢 焦查 二錢 大便燥結。數日不通者。加清甯丸 二錢 元

明粉 二錢 小便短赤者。加大木通 一錢 澤瀉 二錢 知母 二錢 燥渴者。加天冬 三錢

馬兜鈴 三錢 面赤身熱。或舌苔黃色者。加銀花 四錢 連翹 二錢 如有脾泄之症。

勢宜兼顧脾土。須酌為加減。另立藥方。

未服藥大便泄。用生地五分 加薑香一錢 冬錢五分 丹皮一錢 五錢 五分 薄荷 五分 川貝 二錢 研沖炒麥芽 三錢 五分 薄荷 五分

服藥腹瀉不止。用生地五分 加薑香一錢 冬錢五分 丹皮一錢 五錢 五分 薄荷 五分 川貝 二錢 研沖炒麥芽 三錢 五分 薄荷 五分

若遇極重症。或被表散誤神。仙活命湯。冀可得生路。

神仙活命湯

龍膽草 二錢 元參 八錢 川黃柏 五分 板藍根 三錢 生石膏 三錢 杭白菊 三錢 生梔子 二錢

生甘草 一錢 大生地 一兩 瓜蒞 三錢 馬兜鈴 三錢

凡白喉初起即疼痛且閉。飲水即噎。眼紅聲啞。白點立見。口出臭氣者。方可照此煎服。或已延誤二三日。症已危急。或誤服表藥。現出白象。非輕劑所能挽回者。均服此方。以洩其毒。重者日二劑。至症象見輕。仍服養陰清肺湯。慎勿改服表散。

如舌有芒刺。譫語神昏者。加犀角鎊 二錢 連翹 二錢 大便秘塞。胸下滿悶者。加中

樸 二錢 枳實 二錢 便秘甚者。再加萊菔子 二錢 生大黃 二錢 小便短赤者。加知

母 二錢 澤瀉 二錢 車前子 三錢

其或病本輕。以及風邪侵。只須清解藥。除瘟化毒靈。

除瘟化毒湯

粉葛根 二錢 冬桑葉 二錢 小木通 八分 竹葉 一錢 次生地 二錢 金銀花 二錢 薄荷 一錢

生甘草 八分 貝母 二錢 枇杷葉 一錢 蜜五分

凡白喉初起。症象尚輕。喉間尚未見白。不能辨認。是否白喉。即服此方。俟一見白象。

即改服養陰清肺湯。如係風邪之症。則始終服此。自然全愈。萬不可以表散。

如胸下脹悶者。加炒枳殼 五分 炒麥芽 二錢 大便秘者。加瓜蒞 二錢 郁李仁 二錢

小便短赤者。加車前子。布三錢燈心一札

凡是風瘟。即非喉症。服此亦神效。雙單起喉。蛾治與纏喉。同照方。均可愈。表散防終凶。

雙單蛾症。亦屬於裏。惟肺象虛損。較白纏喉稍輕。若治之不當。變為纏喉。更不易救。時人不察。以為表症。輒用升散。害不可言。凡治此症。亦宜以養陰清肺湯為主。日二

劑。重者用神仙活命湯。與白喉治同。均不宜於表散。一切禁忌藥。避之如仇。毒入口難挽回。千萬勿誤服。

白喉一切禁忌之藥

麻黃誤用瀉嘔桑白皮肺已虛紫荊皮破血防風不可杏仁苦降牛蒡子能通

經萬不可山豆根不可黃芩過涼射干妄用花粉不可羌活過發桔梗肺虛荊

芥不可柴胡不可前胡不可桂枝辛散升麻升散蘇葉發散殭蠶涼散蟬

退升表不可馬勃過散不可

以上諸藥。為時人常用而誤用者。千萬不可一試。即於前列諸良方中。偶攙一二。亦立見大害。凜之慎之。

白喉誤服禁忌藥後所見各種敗象。

七日滿白不退。大便祕結不通。未服藥大便泄。服藥後連瀉不止。頷下發腫不消。音

白喉症治養陰忌表歌括終  
白喉症治養陰忌表歌括終  
啞鼻塞。服藥嘔吐不止。白塊自落。肢漲神倦。鼻孔流血。喉乾無涎。天庭黑暗。兩目直視。面唇俱青。角弓反張。汗出如漿。藥不能下。

以上各象。均極危險。大都誤服表藥而成。除脾泄二症。前已另列方藥外。重者用神仙活命湯。輕者用養陰清肺湯。加入解表毒之藥爲引。一劑後去引服。

### 解表藥毒法

春用蠶食過大桑葉孔多者。三片。夏用荷花蒂連鬚者。七箇。秋用葶薺苗稍黃者。九枝。各寸許。冬用生青果核磨汁。或打三枚。

### 又方

以生藁豆碾細末。重者一茶碗。輕者一酒杯。冷水調服。再煮白米粥一碗。先啜粥。後服藥。則誤服之劑。卽解除矣。總而言之。切勿誤投表散。症非難治。一投表散。則難治矣。切戒切囑。

### 白喉症治養陰忌表歌括終

福

幼

編

三  
三  
三



三  
三  
三



福幼編

凡例

一此編專以溫補見長。凡小兒既成慢驚。必於後開條目內有數處相合者。卽放心照方服藥。勿謂此書與古方清熱散風之藥不同。仍泥用古方以自誤也。

一此編凡鹿茸人參等貴重難覓之藥。悉不開入。恐窮鄉僻壤。及無力之家。不能購覓。雖有對症良方。亦束手無策也。

一此編內之藥。隨處皆有。無論貧賤富貴。皆力所易爲。但必須另包過戩。如法泡製。方可取效。

一近代所買之抱龍牛黃等丸。皆清熱化痰之藥。急驚最爲對症。若慢驚之甚者。下喉卽死。

一急驚與慢驚全屬相反。急驚之症。小兒氣體壯實。前數日發燒。今口鼻中氣熱。大便結。小便燥。忽而驚風大作。喉中多有熱痰。用抱龍牛黃等丸。下咽卽醒。再用清熱消導之藥。一劑而安。本欲附方於此。恐治慢驚者。用治急驚之方。則爲害非小。是以姑述其由。而方不敘入。慢驚總是病後氣血不足。虛極生風。非脾腎雙補。薑桂同進。如何能愈。

一薑桂附子。乃編內藥方中之用神。減去則無效。肉桂好者難得。薄桂潯桂。但有油者。

皆可用之。所以本草備要云。肉桂有油者俱佳。無所分別也。

一慢驚之輕者。理中地黃湯內。多用薑桂。亦可治愈。若虛寒至極者。非用附子不可。但附子性熱。人多畏之。本草附子下。亦註明治慢驚字樣。可見溫補二字。委係治慢驚祕訣。無所疑也。

一此編新立二方。以治慢驚。明言慢驚屬虛寒。溫補卽所以治慢驚。急驚屬實熱。清熱卽所以治急驚。二症有寒熱之殊。用藥有雲泥之異。古人每以一方治二症。未究其致病之根源。不可深信也。

一近代醫家。皆云慢驚一症。先須驅風化痰。鎮驚。往往用金銀器物。煮水。仍煎發散消導之藥。病輕者容或愈之。原非其藥之功效。病重者愈治愈危。未聞治愈一人。良可歎也。

一海內醫書。未可枚舉。諸君子雖各執一見。議論紛紜。然失之於此者。仍得之於彼。惟慢驚一症。自古及今。相承錯謬。殊堪扼腕。是以此編。尙辯慢驚一症。與各書不同。卽次試驗有效。深信不疑也。

一此編乃獨得之奇實。發古人不傳之祕。凡小兒久病不愈。諸病之後。均能轉爲慢驚。真得之最易。而醫之最難。世之人。但知清熱散風。不知溫補氣血。間有一二高明者。見及慢驚是虛寒症。欲開溫補藥方。又因不合古書。恐招訛謗。是以慢驚竟爲幼科。

第一險危之症。此編業於姑蘇中州安徽直隸等處付梓矣。倘仁人君子。念及小兒患此症者。待命殷殷。翻刻廣傳。已屬善舉。若鄉試小試。年龍門貢院前分送。尤覺易以普遍。

一凡爲善濟人。及有一切陰鷲者。子孫當得福報。若將此書翻刻廣傳。使天下後世。活人無窮。又似非尋常陰鷲可比。其翻刻爲善之子孫。更不知當何如昌盛。或亦陰功之一助。爲善君子。未知以爲善否。



治慢驚風心得神方

武進莊一夔在田氏著

慢驚之症緣小兒吐瀉得之爲最多。或久瘧久痢。或痘後疹後。或因風寒飲食積滯。過用攻伐傷脾。或秉賦本虛。或誤服涼藥。或因急驚而用藥攻降太甚。或失於調理。皆可致此症也。其症神昏氣喘。或大熱不退。眼翻驚搐。或乍寒乍熱。或三陽晦暗。或面色淡白青黃。或大小便清白。或口唇雖開裂出血。而口中氣冷。或瀉痢冷汗。或完穀不化。或四肢冰冷。並至腹中氣響。喉內痰鳴。角弓反張。目光昏暗。此虛症也。亦危症也。俗名謂之天弔風。虛風慢驚風。慢脾風。皆此症也。若再用寒涼。再行消導。或用膽星抱龍以除痰。或用天麻全蝎以驅風。或用知柏芩連以清火。或用巴豆大黃以去積。殺人如反掌。實可畏也。若治風而風無可治。治驚而驚亦無可治。此實因脾胃虛寒。孤陽外越。元氣無根。陰寒至極。風之所由動也。治宜先用辛熱。再加溫補。蓋補土所以敵木。治木卽所以治標。凡小兒一經吐瀉。多作卽是最危之症。若其屢作不止。無論痘後疹後病後。不拘何因。皆當急用參朮以救胃氣。薑桂枸熟等藥以救腎氣。不惟傷食當急救之。卽傷寒傷暑亦當急救之。蓋其先雖有寒暑實邪。一經吐瀉。業已全除。脾胃空虛。倉廩空乏。若不急救。恐虛痰上湧。命在頃刻矣。庸醫不明。皆誤指爲熱爲食。投以清火去積涼藥。

立時告變。為之奈何。與其失之寒涼。斷難生活。不若試之溫補。猶可救療。此語發明吐瀉驚風之理。最為明透。後之君子。願無忽諸。今將慢驚辨症臚列於後。

一慢驚吐瀉。脾胃虛寒也。一慢驚身冷。陽氣抑遏不出也。服藥之後一慢驚鼻

孔煽動。真陰失守。虛火燦肺也。一慢驚面色青黃及白。氣血兩虛也。一慢驚口鼻

中氣冷。中寒也。一慢驚大小便青白。腎與大腸全無火也。一慢驚昏睡。露睛。神氣

不足也。一慢驚手足抽掣。血不行於四肢也。一慢驚角弓反張。血虛筋急也。一

慢驚乍熱乍涼。陰血虛少。陰陽錯亂也。一慢驚汗出如洗。陽虛而表不固也。一慢

驚手足癱瘓。血不足以養筋也。一慢驚顛門下陷。虛至極也。一慢驚身雖發熱。口

唇焦裂出血。却不喜飲冷茶水。進以寒涼。愈增危驚。以及所吐之乳。所瀉之物。皆不甚

消化。脾胃無火可知。唇之焦黑。乃真陰之不足也明矣。

大凡因發熱不退。及吐瀉而成者。總屬陰虛陽越。必成慢驚。並非感冒風寒發熱可

比。故不宜發散。治宜培元救本。加薑桂以引火歸源。必先用辛熱沖開。寒痰再進溫

補。方為得法。

經驗二方列後

逐寒蕩驚湯。此方藥性溫煖。端治小兒氣體本虛。或久病不愈。或痘後疹後。或誤服

涼藥。泄瀉嘔吐。轉為慢驚。清熱散風。愈治愈危。速宜服此。能開寒痰。寬胸腸。止嘔吐。

蕩。驚。邪。所。謂。回。元。氣。於。無。有。之。鄉。一。二。劑。後。嘔。吐。漸。止。卽。其。驗。也。認。明。但。係。虛。寒。卽。宜。服。之。不。必。疑。畏。也。

胡椒打一錢 炮薑一錢 肉桂一錢 丁香十粒

右四味。以竈心土三兩。煮水。澄極清。煎藥大半茶杯。頻頻灌之。接服後方。定獲奇效。

加味理中地黃湯。此方助氣補血。却病回陽。端治小兒精神已虧。氣血大壞。形狀狼

狽。瘦弱至極。皆可挽回之。如法濃煎。頻頻與服。參天救本之功。有難以盡述者。

熟地五錢 當歸二錢 萸肉一錢 枸杞二錢 白朮三錢 炮薑一錢 黨參二錢 炙卓一錢

棗仁二錢 砂研一錢 肉桂一錢 故紙二錢 炙耆二錢

加生薑三片 紅棗三枚 核桃肉二個 爲引。仍用竈心土二兩 煮水煎藥。取濃汁一茶

杯。另加附子五分 煎水攪入。諒兒大小。分數次灌之。如咳嗽不止者。加粟殼一錢 金

櫻子一錢 如大熱不退。加白芍一錢 泄瀉不止者。加丁香五分 只服一劑。卽去附子。

只用丁香七粒 隔二三日。只用附子二三分。蓋因附子大熱。中病卽宜去之也。如用

附子太多。則小便閉塞不出。如不用附子。則沉寒臟腑固結不開。如不用丁香。則泄

瀉不止。若小兒虛寒至極者。附子不妨用至一二錢。此所謂神而明之。存乎其人。用

者審之。此方乃救陰固本之要藥。治小兒慢驚。稱爲神劑。若小兒吐瀉不至已甚者。

或微見驚搐。胃中尙可受藥。嗅乳便利者。並不必服逐寒蕩驚湯。只服此方一劑。而

風定神清矣。如小兒尙未成驚。不過昏睡發熱不退。或時熱時止。或日間安靜。夜間發熱。以及午後發熱等症。總屬陰虛。均宜服之。若新病壯實之小兒。眼紅口渴者。乃實火之症。方可暫行清解。但係實火。必大便閉結。氣壯聲洪。且喜多飲冷茶水。若吐瀉交作。則非實火可知矣。此方補造化。陰陽所不足。實回生起死有神功。倘大虛之後。服一劑無效。必須大劑多服爲妙。

### 治驗

北平黃孝廉女。甫週歲。病久不愈。余視之。瘦弱已極。熱仍不退。傾之羣醫畢集。俱商用山查神麵荊芥防風等味。皆消導藥也。余竊謂不然。因憶內經有云。實者瀉之。虛者補之。此女瘦弱已極。豈實症乎。然衆論譁然。未可與辯。越三日。余又往視。黃曰。我女昨大瀉下黃沫。且角弓反張。不知其故。余曰。此涼藥毒也。黃曰。然。前山查等藥不效。復加黃連二分。遂劇。適前醫在側。甚慚。強余立方。余辭之歸。次日。黃以衆方請正。余閱之。乃五苓散。仍加消導發散之味。彼時本欲另立一方。又恐醫家撓阻。黃亦未必深信。因就原方加註剖明。某藥可用。某藥難投。總本張景岳直救真陰之說。黃亦心折。因謂醫曰。我女病久必虛。滋陰爲上。乃加大熟地二錢。連進二劑。其熱陡退。病亦漸愈。緣前此剋削太甚。復元較遲。

鄰友方元興。有子歲餘。常見其持單買藥。詢之。方曰。兒病已日久。更數醫矣。今又延某



醫包治。此其藥單也。逾數日。泣謂余曰。某師悔曰。子不生矣。君其有術乎。細叩其故。方曰。我子體熱已久。近日氣弱神昏。腹中膨脹。吐瀉發喘。兩目上視。命在須臾。邀余往視。見其子顛門已陷。面色青黃。取向日醫方閱之。悉是去積發散涼血之藥。與症相反。余曰。得之矣。用理中地黃湯。去附子澤瀉。加枸杞故紙。一劑而安。又十餘劑。而氣體復元矣。

余胞姪。乳名文豹。素欠壯實。週歲。疹後發熱。兼旬不退。咳嗽時。以手捫口。喉痛可知。後數日。晝夜昏睡不醒。因延本地時醫。投以清熱解表涼藥。一劑而熱立止。逾時體冷徹骨。熱復大作。再投前劑。則無效矣。又延他醫。投以苓連石斛等藥。非惟熱不能解。且面色青黃。二陽黑暗。大喘大瀉。愈增危篤。醫亦束手。余查痘疹諸書。皆云。疹係熱症。宜用寒涼。其說亦與症不符。姑用救陰固本平補之藥。一劑灌之。悉皆吐出。余母顧兒謂余曰。腹中作響。風已動矣。喉如雞聲。痰已塞矣。且喫乳卽吐。頭搖睛泛。氣促神昏。兩目無光。面無人色。敗症現矣。急請前醫。皆裹足不至。遍查各書。俱載疹後發熱不退。而頭搖睛泛。吐瀉神昏。乃慢脾風。不治之症。然亦不忍坐視不救。細思喉中作響。必係寒痰。蓋緣真陽外越。寒生於中。如係實火。則前此苓連之藥。何致反劇。外雖極熱。內實真寒。非用大辛大熱之品。不能沖開寒痰。故前諸藥皆吐而不受。因取附子薑桂煎湯飲灌。余母曰。此兒現在發熱。且唇已開裂出血。何可再用附子。余思內經云。假者反之。此症非

辛熱之品。終不能引火歸源。以消寒滯也。雖另去附子。仍改用胡椒一錢。肉桂一錢。炮薑四片。似覺平淡。以期老母不疑。煎湯灌下。痰聲立止。又取伏龍肝沖水灌之。吐亦漸止。少頃兒忽眼動呵欠。咳嗽時卽不以手捫口。又頃連溺小便。稠濁紫黑。疹後邪毒卽次盡下。似有起色。因用附子理中湯。合六味地黃湯。去澤瀉丹皮。加故紙枸杞。一劑而敗症全除。惟大熱未退。乃於前湯內復加棗仁五味白芍斂陰之藥。一劑而安。此正類經所云。治風先治血。及甘溫退大熱之義也。其後細審此症。咳嗽喉痛。心火燦肺金也。嘔吐泄瀉。脾腎虛寒也。用胡椒薑桂。所以開湧喉之寒痰也。用竈心土者。補土所以敵木也。木平則風息。土旺則金生。金旣得生。火不能剋。則向者剋肺之邪火。仍返而歸心。心爲君主之官。邪不能犯。心與小腸相表裏。故疹毒傳入膀胱。下溺爲紫黑色也。余弟云。此兒疹後發熱。誤服涼藥。命幾不測。得吾兄方藥。眞不啻起白骨而肉之。實如再生。爰更其名藥生。將來卽取字曰佩伯。誌不忘也。一知半解。請政 高明。聊記簡末。以備方家採擇。或者於活人之術。不無小補云爾。

續附醫案四則

余胞姪鈞。守南陽時。生一女。偶爾傷食。中州醫者必以九製大黃丸推蕩之。每月一二次。屢經剋伐。至二歲。此女脾胃大傷。瘦弱至極。陰虛夜熱。昏睡露睛。忽成慢驚。庸醫尙不知其爲不足症。乃以五苓散加黃連四分。下咽卽結胸不語。次日斃命。中虛生寒。再

進黃連。未有不斃者。

余姻親家人之子甫二歲。其母已逝。乳母哺之。飲食不調。髮黃氣短。發熱腹脹。虛弱之形已現。奈醫者堅稱內熱。進以寒涼。吐瀉不止。遂成慢驚。有鄰人授以福幼編一本。其父與醫商。醫曰。小兒純陽之體。何可用此熱藥。乃向藥包中取出抱龍丸一粒。研而灌之。尙未灌完而已斃矣。

六安廣文程公之子九歲。久病不愈。泄瀉抽搐。慄慄一息。醫曰。已成慢驚。雖神醫至此。亦難爲力。廣文呼號求救。幾不欲生。同學宋孝廉以余向贈之福幼編授程。程閱而疑之。宋曰。此子已無生理。舍此更無他術。服此溫補之劑。或可挽回。倉猝間無肉桂。遂以桂子四錢研碎。入理中地黃湯內。如法濃煎。頻頻與服。一劑驚止。又三劑全愈。乾隆壬子年。余回六安。宋孝廉親口言之也。

裕州刺史徐公獨子十歲。氣體本虛。病後大熱不退。屢服涼藥。泄瀉嘔吐。角弓反張。諸症作矣。羣醫畢至。仍係清熱解表。病勢更加。萬無生理。少府史某者。詣署求見。司閹曰。本官有少爺染患慢驚。命懸旦夕。不暇會晤。史曰。我之來因慢驚。非公事也。卽延之入。徐曰。小兒慢驚壞症。醫技已窮。君能救之乎。史袖出福幼編曰。此前莊本府之胞叔所著。耑治慢驚。但其方與古書不同。應否與服。堂翁其自主之。徐曰。著書人斷無孟浪之理。卽遵照編內之方。不減分毫。用逐寒蕩驚湯。一劑喉關寒痰已開。接服理中地黃湯。

四劑。驚止熱退。全愈。余胞弟一鵬。在南陽已知大略。彼史尉至湖北。親口言之更詳。自丁酉至今二十餘年。此編愈人甚多。聊記數條。以備酌用。閱者益可堅信。無致貽誤也。

### 保嬰簡要三法

一兒初生三朝。用生雞蛋清一二個。冬天略溫熱。搗擦背脊。自上而下不可逆行。以四十九擦爲度。自有黑毛現出。任其自退。則胎火盡洩。可免諸患。此法從三朝起。十八朝內均可行之。

一兒臍帶褪下。用清水將帶漂淨。以潔白爲度。瓦上炙灰。不用煤火。竹木均可。涼透後。用生甘草三四分。濃煎一小杯。將帶灰和入。再加飛淨硃砂二分。攪和與兒飲之。則胎中穢污均從大便出。可以稀豆。此法須在十八朝內爲妙。如襁帶在十八日以外。即于此日內。如法製飲。亦效。

一兒初生至十餘歲。每月朔望。用雞蛋清。葱。姜。梔子。飛麵等。搗和小餅。乘熱貼兒兩足心。將布紮好。以一日夜爲度。逐月切。勿間斷。可免外感及痰疾。

右三方均從古法摘出。簡易已極。效驗不虛。

跋

予於醫理。未之學也。雖然亦曾經驗之矣。經驗不一端。如眼科不宜用涼藥。白菊元參川連決明等味。皆傷目之具也。痘症不宜過用下藥。石膏大黃生地牛黃等味。少則解毒疎花。多則眞元耗洩。難望圓漿收功也。二者。世之君子悉心體察。猶能知之。惟小兒慢驚一症。古無良方。治之者率用治急驚之法。不知症分急慢。則症之虛實宜辨也。火之眞假宜審也。一則熱急而生。一則體弱病久而轉。其致病之由宜明也。知斯數者。則治法用涼用熱用散用補。固不待再計決矣。予初生一女。二子悉患此症。少不知慎。聽庸醫重用錮陰。近寒之藥。如羚羊角陳膽星牛黃丸癩蟆膽。以及殭蠶全蝎蟬蛻金銀器鉤籐鉤之類。大劑重投。有一劑而畢事者。有數劑而告終者。予方以命運自安。不遑責也。歲丙寅。司鐸漢皋於同人案頭得莊在田先生福幼編。讀之恍如大夢初覺。始知前之奉爲良醫者。皆屠伯也。追悔莫及。不禁欷歔泣下。嗣聞小兒有患慢驚者。悉心懇患。屢試屢效。家中疾作。尤信心奉行。不聽盲師囁語。姪女玉姑。孫兒桂官。童養媳周姑。皆因病後誤服涼藥。致成慢症。當衆醫束手。闔家痛心之際。急用前方。轉危爲安。今姪女不日于歸。桂孫將次受書。周姑年已及笄。其明效大驗。固不分男女。不分大小。皆可救拯也。其閒藥味加減。劑數多寡。編內一一注明。審擇而用之。是在細心臨症者。予回頭得岸。誓願普度衆生。爰捐薄俸梓而行之。以爲世間小兒苦海寶筏云。

再外治之法。用白絲毛烏骨雄雞。以尾竅向小兒肚臍。無風遠去。有風則自然緊貼。毛聳足撐。全力吸取風毒。毒盡始散。予每與前方相輔並用。內外交治。神效無比。惟驗後。須用真藤油灌雞解毒。且可留作後用。八物兼全。亦仁人君子之用心耳。附書於後。以俟採擇。

道光甲申孟冬上浣江夏明達康伯甫拜跋於粵東增城署齋

跋

此書耑辯小兒慢驚一症深合符節然小兒一染此症爲父母者既覽此書仍慮其溫補之藥一定遲疑未敢遽投而不知此症始不介意由漸而入失於調理遂致眞元虧耗風寒內蓄若再延迂醫一用清寒化痰之劑則其病益劇而難挽矣是歲夏四月余兩子偶患疹疾越十日後忽吐瀉大作卽請時醫診視俱云疹後吐瀉宜用平補之劑治之羣醫皆然惟服藥每吐病無稍效症似垂危余以倉猝無策因檢此書細視諸方與病頗相符合輒將逐寒蕩驚湯先服一劑次服理中地黃湯四劑病卽霍然愈矣吾兒藉以安甯感功非淺適遇相識諸友小兒因染慢驚者力述此書之妙屢試屢驗余親歷目擊殊非謬語況性命攸關何敢虛談總以細閱上篇開列病症擇方信服應效如神幸勿輕視可也時

同治二年歲次癸亥孟秋伯衡張汝權拜跋於羊城清河家塾





證 咽

通 喉

論 脈

國

業

和

風

亦

論

序

醫家十三科咽喉居其一誠以氣之出入生死之關事醫者不可不審求也  
內經曰喉主天氣咽主地氣氣欬論篇曰心欬之狀欬則心痛喉中介介如  
梗狀甚則咽腫喉痹厥論篇曰手陽明少陽厥逆發喉痹噎腫瘞脈解篇曰  
厥陰所謂甚則噎乾熱中者陰陽相搏而熱故噎乾骨空論篇曰督脈生病  
治督脈治在骨上甚者在臍下營其上氣有音者治其喉中央在缺盆中者  
其病上衝喉者治其漸漸者上俠頤也謬刺論篇曰邪客於手少陽之絡令  
人喉痹邪客於足少陰之絡令人噎痛不可內食又曰噎中腫不能內唾時  
不能出唾考內經所言喉證者凡謂臟腑之氣痹著於其地而已無所謂十  
八證三十六證也惟靈樞癰疽篇岐伯曰癰發於噎中名曰猛疽猛疽不治  
化爲膿膿不寫塞喉半日死則類喉科之乳蛾而屬之癰疽仲景去先聖未  
遠其金匱玉函所載雜病並無喉證正與內經相合李東垣劉河間爲金源  
巨手所著諸書亦不載是證獨朱丹溪有喉痹一門第以臟腑爲主分經施  
治則亦內經之支也孟河費君伯雄得喉科書一冊於其鄉之世業是醫者

題爲宋異僧所遺以其篇第攷之卽所謂十八證也先總論病態而繫以藥後詳方證復列用藥禁忌且以甘桔湯爲喉證所忌一掃俗醫誤執成方之謬是能獨具手目者以其喉證爲火毒上升用藥降氣瀉火爲主卽靈樞猛疽之意也其以病起何經用何藥主治卽內經丹溪之法也夫善讀軒岐書者固可隔垣洞見何待檢閱之煩然則此書之作蓋爲俗醫設也且爲無醫設也俗醫與無醫則此書之功偉矣伯雄因舊刻之訛重勘而精梓之因括其大凡於左

光緒十年三月之望上海劉至喜書於春星草堂

校刻咽喉脈證通論序

或曰宋有異僧者寓杭之千佛寺去時遺一囊寺僧啓之  
得是書祕不欲傳今尙有能世其術者余曰唯唯否否夫  
方技之書類多託于畸人異士隱僻怪誕者流神其說以  
炫人耳目是書苟宋時人所作也不應有棉花瘡云云此  
疾元時始入中國何先數百年已能言之鑿鑿如此邪第  
綜其方論凡夫喉症之虛實緩急辨析造微多所依據則  
知非近人所能苟非宋亦不出元明間一巨手耳余先後  
得四五寫本改竄塗乙各不相同因卽數本中排比參校  
窮數月之力如理亂絲不啻數棼之而數析之也今春手  
錄定本不敢自祕爰授之手民以永厥傳簡首仍署曰宋  
僧原本亦疑意爾夫豈敢神其說以炫人耳目哉是爲序

武進伯雄氏書

夫喉者人之要道也... 呼吸出入之機... 凡喉症之起... 必先於此... 治法之宜... 宜早治之... 勿使延及... 則病入膏肓... 矣... 故凡患此症者... 宜速求醫治... 庶幾無虞... 矣... 此序也

夫喉者人之要道也... 呼吸出入之機... 凡喉症之起... 必先於此... 治法之宜... 宜早治之... 勿使延及... 則病入膏肓... 矣... 故凡患此症者... 宜速求醫治... 庶幾無虞... 矣... 此序也

夫喉者人之要道也... 呼吸出入之機... 凡喉症之起... 必先於此... 治法之宜... 宜早治之... 勿使延及... 則病入膏肓... 矣... 故凡患此症者... 宜速求醫治... 庶幾無虞... 矣... 此序也

咽喉脈證通論序

咽喉昔人方之輿地固險要之區也扼之抗之並制人之命第其事有相背戾者於地爭得之以制勝至夫疾證則隘於此者危矣然亦未嘗不合人居險地以策勝之疾得隘地以藥瘳之客主之形不同攻擊者之情一也夫治兵無常勢而用奇者勝姜維守劍閣鍾會攻之未能克鄧艾由邪徑趣涪吳人於江險積鐵鑱橫截王濬火燒液之並筏去鐵錐咽喉之用甘桔湯蜀人之劍閣吳人之鑱錐也此脈證通論一書相傳出宋時杭千佛寺僧囊中共十八篇皆精要類世固不知其用藥禁忌一篇昔人皆昧之所謂吳人蜀人之蔽者也亦猶七國韓欲援之而欲以折之固必有道在矣因授之梓而記之

光緒十年歲在甲申三月復生氏書

此處為正文內容，因文字極其模糊，無法辨識具體字句。版面分為三欄。



咽喉脈證通論目錄

總論

通治用藥

用藥禁忌

丸散方藥

紅內消散

解毒丸

保命丹

解毒散

鎖喉第一

加減柴胡雙解毒散

重舌第二

氣癰第三

乳蛾第四

弄舌第五

纏喉第六

啞瘡第七

骨槽第八

懸蟻第九

內加減干金散

爛喉癰第十

加減當歸厚粉貝母膏

熱風喉癰第十一

黃涼血湯

弱證喉癰第十二

喉閉第十三

四四順理中湯

嗜食第十四

當歸連翹散

發頤第十五

青南星

懸癰第十六

喉菌第十七

牙癰第十八

因疾脈證通論 目錄



咽喉脈證通論卷全

總論

夫喉者。吾生氣機出入之門戶。瞬息存亡之際。性命係焉。偶一受病。危在須臾。迫不及待。所貴醫者。能識受病之原。與夫虛實痰火風寒熱毒之異。更於望聞問中。參究脈理。尤爲先務之急。自來業喉科者。全不講脈。所以治之鮮效。今試論之。假如其脈洪大而實。其人氣粗而躁。此有餘之證。用藥則以散風下氣。清火消痰。散之者。荊芥防風羌活。獨活紫蘇是也。下之者。枳殼枳實青皮厚樸山查前胡是也。清之者。山梔黃芩黃柏。甚則犀角黃連。消痰則以膽星蔓仁杏仁爲主。若脈洪大而浮。軟無力。或絃緩而澀。其人氣委而靜。此不足之證。用藥則以涼血生血。滋潤消痰。涼之者。丹皮白芍是也。生之者。生地當歸是也。潤之者。苡仁知母花粉是也。消痰則以貝母蔓仁杏仁。兼用山梔黃芩黃柏犀角黃連。或有純是陰脈者。或有純是陽脈者。當以病治病。脈不與焉。卽以荊芥防風牛蒡射干黃芩枳殼銀花獨活生地丹皮花粉爲治。再以保命丹或紅內消同服。日用吹藥。夜用噙藥。無不見效。更有一種熱病而服熱藥。火毒熾甚而發於喉間。大寒大熱。疼痛不止。或血脹而木。伸縮不能。飲食難進。其脈洪實有力。大便不行。宜急下之。若脈洪弦而浮無力。宜涼血行血爲主。若過用疎風散火之劑。恐變別證。最稱難治。又有一種出外急走遠路。脫力而傷肺氣。喘息難舒。以致喉痛舌脹。地閣下腫。突如鎖喉。

之狀。內視之非重舌。外視之非痰毒。寒熱並作。痰涎洶湧。六脈洪大中空。面色發黃而浮。初以防風通聖散探之。或效一二。卽以涼血行血順氣之藥治之。又有似喉證非喉證者。其喉亦痛。牙關緊閉。胸脇痛。四肢攣厥作痛。腹痛。因受有重傷。或用力太過。致瘀血凝滯。當以行血破瘀爲要。初起可救。過五六日不治。又如弱證喉癰。雖是肺經之病。亦有兼他經而起者。何以知之。假如喉間紅癰作痛。是肺經火盛之故。若頸項之筋。有時或左或右。作脹而梗。氣悶不快。此怒氣傷肝。左關脈必洪大而弦。當清肝火。以舒筋涼血爲主。用藥則以當歸牛膝。佐以柴胡黃芩羚羊。若兼右關微弱而緩。乃脾胃有虧。須兼用白芍茯苓。此肝脾與肺共病也。喉間紅癰作痛。其舌紫色。或生刺作痛。或作木乾枯。是心經受虧。無血榮養。以致虛火熾盛。且兼思慮過度。鬱氣所成。左寸脈必浮洪。當以犀角黃連爲主。佐以當歸白芍。此心與肺共病也。喉間紅癰作痛。滿脣焦裂。口熱如燒。或作乾嘔。是胃經虛火熾盛。右關脈必洪弦且緊。當以山梔黃芩爲主。佐以當歸白芍山藥。此胃與肺共病也。喉間紅癰作痛。夜間舌乾口苦。湯水不進。或有嗽而無痰。更兼滑精者。是腎水枯竭。虛火上炎。兩尺脈必洪數無力。當以山藥知母黃柏爲主。佐以花粉澤瀉白芍茯苓。此腎與肺共病也。若夫肺經獨病。或吐血而成。或嗜酒而發。或脾瀉而生。氣血消散。嗽重聲啞。喘急痰多。聲如曳鋸。睡臥不得。六脈洪大而浮。肺部更甚。當以苡仁山藥貝母黃芩薏仁牛蒡爲主。佐以當歸白芍熟地茯苓丹皮犀角黃柏。

知母服之喉痛雖止。然不過待日而已。更有六脈沉隱。神脫氣敗。飲食不進。步履不前。盜汗自汗如雨。脾氣溇泄。死無疑矣。若年老人喉間紅癩作痛。或舌上生刺。或破腫。或水脹。言語不清。六脈微洪。五至有餘。飲食動靜。形色神氣如常。此血少火盛。當以黃芩丹皮茯苓熟地當歸白芍爲主。佐以元參牛蒡枳殼銀花花粉山藥苡仁。甚則加犀角黃連。不同前論。若小兒痘後或癩後患此。當以犀角黃連敗其熱毒。更以涼血補血健脾之藥佐之。尤草參芪斷不可用。此外用藥與大人相同。若女人胎前患此者。先以安胎爲主。次以涼血爲佐。紅內消保命丹忌用。餘藥無妨。產後一月未滿者。當以熟地當歸補血。枳殼青皮下氣。元參射干牛蒡元胡索銀花消腫。少加黃芩花粉以清熱。紅內消保命丹可用。但不宜多吹藥。噙藥忌之。如經期適來。當以破血下氣之藥爲主。涼血者少用。紅內消保命丹噙藥服之。亦無忌。茲論其大略如此。餘詳各條。

### 通治用藥

夫喉證向有三十六法。今余列十八證。名目雖簡。而治法已備。要之十八證中。又可以風與痰與火概之。凡遇此證。不論緩急。只以下氣消痰爲主。次則清火涼血。若不分先後。混亂用藥。貽害匪淺。今開用藥大概於左。惟高明者臨時參用可耳。

藥用防風前胡丹皮獨活各一錢。杏仁薏仁山查各三錢。車前木通各八分。兩劑後加山梔膽星各一錢。生地二錢。如火未息。加黃芩一錢。以保命丹紅內消同服。

誤用黃連半夏生薑桔梗之類。難以收功。照前方加羌活獨活。服幾劑自愈。  
牙關難開。須加真北細辛一分。

單蛾雙蛾。至八九日後。方可用鍼刺出毒血。未滿十日。萬不可刺。

或有疔瘡根脚。紅內消不可用。用之反凶。煎藥中加地丁草七八錢。自愈。保命丹可服。  
頸間痰毒。須加象貝母草河車猴薑。若日久難愈。以蝦蟆一箇。研好硃砂五分。灌於中。  
泥裏煨。研末服之。自消。

### 用藥禁忌

古有甘桔湯。乃清喉之要劑。今人見有患喉證者。卽用之而無疑。嗟乎。此猶拘薪救火。非能愈疾。而更增其疾矣。何以言之。夫喉證乃火毒上升所致。須以降氣瀉火爲要。甘草補中而不瀉火。旣受其補。則火愈熾。病愈重矣。桔梗引諸藥上行。藥旣上行。則痰與火亦引之而上行。勢必喉間壅塞。於病更加重矣。故小兒驚痰。大人痰火。桔梗是最忌者。本草云。升麻引胃中清氣上升。又可代犀角。似乎可用。不知一用則痰火與氣。一齊上湧於咽喉之間。四肢逆冷。喘急異常。爲害匪淺。若在他證。猶或可用。如鎖喉服之。則不治矣。半夏雖消痰。若喉證痰重者。誤用之。禍不旋踵。蓋此乃治脾家溼滯之痰。至於喉證有痰。總不外肺中熱火。何可以半夏之燥烈治之乎。老薑辛辣發散。雖喉證亦以發散爲主。然重用辛辣之味。則以火益火。大非所宜。此五者。與喉證關係甚重。故特表

而出之。至別藥之中。亦多禁忌。惟業醫者審擇用之。茲不多贅。

丸散方藥

牛黃解毒丸。藥即塊

治一切喉風痹閉。咳嗽喘急。痰涎壅塞。胸膈迷悶。並口舌等證。無不見效。

不見效。

牛黃五分 青黛飛一兩 淨冰片五分 雄黃五錢 兒茶三錢 官礬五錢 薄荷另研三兩 膽星四兩

右藥研細末。生蜜和丸。如芡實大。每噙一丸。待其自化。嚥下。一日夜須噙四丸。小兒減半。

減半。

紅內消散。治咽喉一切諸證。並無名腫毒。已潰未潰。均可使用。厥效如神。

大蜈蚣去頭足切斷同米炒以米黑為度 乳香去油 血竭另研 雄黃 象貝母 川山甲炒 沒藥去油

辰砂淨水飛 麝香揀去毛皮乾研

右藥等分。惟麝香少許。研細末。每服七分。小兒減半。和煎藥同服。酒下亦可。

保命丹錠子。治咽喉口齒新久腫痛。並解諸毒。磨服神效。

麝香揀去毛皮乾研三錢 辰砂明透者水飛淨三錢 冰片梅花塊一錢大 珍珠研細末一錢 琥珀一錢 山豆根汁另兩熬

文蛤洗淨煨一兩 山茨菇淨洗去毛皮煨二兩 雄黃鮮明大塊研淨三錢 千金子白者去油一兩 紅毛大戟浙為上紫北大

方蘇大載不瑤用去蘆根洗淨焙乾為末二兩五錢

右藥研末。以糯米粥和山豆根汁打糊為錠。每重一錢。病輕者一錠。重者連服二錠。

膽冰消毒散 初起吹藥

血竭 一錢 膽礬 一錢 雄黃 一錢 乳香 去油三錢 冰片 一錢 白占 二錢 燈心灰 不拘

冰硼散 吹藥

冰片 一錢 硼砂 一錢 山豆根 五分

玉屑散 一名破曹 治咽喉口舌頸項破爛諸痛皆效。

薄荷 另研 官硼 五分 雄黃 三錢 兒茶 一錢 冰片 三分

右藥研細末貯磁餅內。臨用挑少許置舌上。咀含片刻嚥下。日用八九次。如鎖喉風口內乾枯。牙關緊閉。不能咀含者。以無根水灌下。自能開關生津。惟脾虛胃弱者。不宜多用。

鎖喉第一

此證因風熱積於胸膈。或酒色及鬱怒所致。其狀喉上下左右紅紫腫痛。或蒂丁焦黑腐爛。頸項浮腫。痰涎壅塞。聲響如潮。氣急發喘。眼目直視。額上有汗如珠。身汗如雨。或泄瀉清水。四肢厥冷。或腰脇疼痛。肚腹脹痛。法在不治。若脈六七至。不論大小。至數分明。雖甚危險。十中可救一二。或脈洪大。或沉細。惟三部混亂。即形色神氣如常。終為難治。初起用吹藥。噙藥。痰多以萬年青根搗汁。和醋攪去痰涎。或土牛膝汁。或青魚膽汁。俱可。



加減荆防敗毒散。八至用大七荆芥、防風、牛蒡、連翹、膽星、獨活、前胡、枳殼、蘇子、蔓仁、杏仁、生地、黃芩、黃柏、山梔、元參、加原枝燈心二十莖。長流水煎。和保命丹同服。大便不行。去

荆芥防風。加枳實、青皮、大黃。

加減柴胡雙脈沉隱或二散。三至用之柴胡、前胡、羌活、獨活、枳殼、枳實、川芎、青皮、蔓仁、杏仁、膽

星、蘇子。長流水煎。和保命丹同服。冬月加麻黃。

脈七八至而浮洪。頭面皮肉浮腫。色微紅。涕淚交流。語言蹇澀。或以防風、蘇子、銀花、牛

蒡、杏仁、蔓仁、枳殼、枳實、膽星、青皮、黃柏、黃芩、山梔、元參、和保命丹同服。亦有獲效者。

服荆防敗毒散後。肺管脹塞。兼咳嗽者。即加生地當歸白芍。

服敗毒散一劑。喉痛頓減。惟胸膈脹痛。牽引脊背。再服之即除。服三黃湯亦有全愈者。

蜈蚣同白梅搗爛。和丸噙之。每見有效。

誤用大黃巴豆瀉利不止。喉證雖愈。而胸膈脹悶。飲食不進。醫復誤作他證治者死。

### 重舌第二

此證因平日喜食炙博熱毒之物。積熱攻於心脾二經所致。其狀舌下腫突。生一小舌。

久之大舌反縮短。或脹而紫。言語不清。飲食不下。微作寒熱。口中清涎極多。即用銅匙

將舌捺定。用三棱針刺大舌兩旁。及舌下金津玉液兩穴各一針。可五分許。再刺小舌

兩旁。或出紫血。或待清涎流盡。方進吹藥。噙藥。次服煎劑自安。

藥用荆芥、防風、連翹、獨活、前胡、射干、膽星、枳殼、元參、生地、黃芩、黃柏、銀花、花粉、長流水煎。如刺破清涎出盡，亦有弗藥而愈者。

### 氣癰第三

此證因惱怒傷肝，肝血不和，以致肺氣壅塞，火熾上升，發於喉間。其狀帝丁之上，紅腫作痛。或有連及兩邊者，寒熱大作。初起不宜刺破，待六七日後，方可針刺。或有誤服升提之藥，竟不能愈者。或有服保命丹紅內消，其毒自出者，如痰多則以醋攪之，強進飲食爲妙。否則恐變輕爲重。

藥用荆芥、防風、射干、牛蒡、連翹、烏藥、膽星、前胡、枳殼、生地、元參、黃芩、銀花、長流水煎。痰多加薑仁。氣重加枳實、青皮。大便不行加黃連。甚則加大黃。

### 乳蛾第四

此證因嗜酒肉熱物過多，熱毒積於血分，兼之房事太過，腎水虧竭，致有此發。其狀或左或右，或紅或白，形如乳頭，故名乳蛾。一邊腫曰單蛾，兩邊腫曰雙蛾。或前後皆腫，白腐作爛，曰爛頭乳蛾。初起必發寒熱，用保命丹紅內消兼煎劑治之。

藥用荆芥、防風、射干、牛蒡、前胡、枳殼、膽星、連翹、生地、丹皮、元參、黃柏、黃芩、銀花、長流水煎。如火盛加犀角、黃連。大便閉結加大黃。寒熱不止加羌活、獨活。體虛痰多加薑仁、杏仁、貝母。

有一種名根脚喉風。其證日行一穴。至七日行七穴。喉間發泡。時欲嘔吐。或一年一發。或半年一發。或一二月數發。根留於中。不能盡去。一時難愈。或云先從脚跟發起。至於喉間。亦名脚跟喉風。發時在左。則左足酸軟陰痛。有似筋觸。牽入喉間。在右亦如之。治法同乳蛾。證亦相似。

今人每見發有紫泡。以為毒物。即用刀鍼開之。豈知病之初起。毒氣熾盛。發之於泡。若刺之出血。非但不能愈疾。加之破傷。則病益重矣。

或問曰。亦有用刀鍼而得愈者。何故。答曰。彼病勢淺。火毒不重。刺出血少。則愈者。其偶然耳。倘病勢已深。火毒極盛。設以刀鍼刺之。其誤事也可勝言哉。

或以寒熱大作。誤認感寒。即用牛薑半夏。喉痛益甚。蓋薑夏喉證所大忌也。詳前用藥禁忌

### 弄舌第五

此證因風痰久積於內。或勞役過度而生。其狀舌出過唇。不能言語。患者以手時弄其舌。故名。初起用青魚膽汁攪去其痰。急宜以小布鍼刺少商穴。在手大指內側之端去爪甲角如韭菜許白肉

際乃肺經穴也 出血者易治。出黃水者難治。腫不消者亦難治。

煎藥用枳殼、枳實、牛蒡、連翹、射干、青皮、蘇子、膽星、防風、生地、犀角、黃芩、山梔、銀花、長流水。

舌捲縮而不能言。因乎風寒也。舌長寸許而不能收。因乎房勞也。舌腫滿而不能消。因

因喉脈登通命 卷八

乎七情也。舌根腫脹者。謂之重舌。腫而不柔利者。謂之木舌。初起急宜醫治。遲則不救。舌脹滿口。痰涎極多。亦木舌之一種。前方重加大黃芒硝。下後自愈。

### 纏喉第六

此證因風痰溼熱久積於內。或食炙煇厚味太多。或房勞及抑鬱所致。其狀耳下紅腫。漸趨項下及結喉之間。一邊者輕。兩邊者重。喉內帶丁左右兩傍。如蛇盤之狀。有黃白二色。黃爲黃纏。白爲白纏。急宜刺少商穴出血。注見弄舌次用吹藥噙藥。男子延至結喉下不治。女子延至胸膛不治。喉中聲響如雷者不治。額鼻有青黑氣。頭低痰如膠者不治。藥用荊芥、防風、羌活、獨活、枳殼、連翹、膽星、蔓仁、車前、紅花、丹皮、黃芩、元參、前胡、牛蒡、銀花、長流水煎。和紅內消同服。再下保命丹。服藥至四五日。加當歸、白芍、生地、黃柏、土貝母。其效甚速。

### 啞瘡第七

此證因風痰壅滯於咽喉之間。其狀口不能言。牙關緊閉。卽用蟾酥化水滴鼻內。卽開。仍以玉屑散吹之。再將鵝翎探入喉中。攪去風痰。卽能言矣。先進牛黃解毒丸。次服荆防敗毒散。連進二三劑自愈。如面紫舌青唇黑。鼻流清涕。目赤多淚。爪甲俱青者不治。

### 骨槽第八

此證因憂思鬱慮。邪毒交乘。結聚於太陽經絡。或則惱怒傷肝。致筋骨緊急。思慮傷脾。

致肌肉結腫。膏梁厚味。致膿多臭穢。其狀始於耳項皮膚間。隱隱有核。漸如李大。便覺腫痛。初則堅硬不消。久則延爛難愈。甚至齒牙墮落。牙牀腐穢。俱在不治。初起先用鵝翎探吐風痰。次以陳艾灸耳垂下五分七壯。再服煎藥。加減當歸、連翹、枳殼、生地、銀花、射干、膽星、赤芍、元參、牛蒡、元胡索、黃芩、丹皮、長流水煎。

### 懸蜞第九

此證因上焦熱毒蘊積。風痰壅塞而生。其狀上腭腫垂。形如蛙腹。或如雞卵。咽喉閉塞。痰涎滿舌。初治用鵝翎探吐風痰。次以吹藥噙藥及荊芥敗毒散加減。日久服千金內託散。

加減千金內託散。厚朴、荊芥、防風、連翹、羌活、獨活、白芷、膽星、枳殼、元參、蘇子、杏仁、薤仁、葱白。

### 爛喉癰第十

此證因棉花瘡毒未盡。而結於咽喉。其狀周圍紫暈。漸至腐爛。爛上則鼻平陷。爛下則飲食難進。多致不救。初起不覺。或十日半月始知。當以清熱涼血補脾爲主。佐吞百寶丹二三十服。若體弱痰多嗽重聲啞者。不治。

藥用生地、花粉、黃芩、白芍、黃柏、丹皮、銀花、元參、牛蒡、射干、防風、角刺。體弱者。加茯苓。嗽重加山藥、苡仁、知母、薏仁、杏仁。熱甚加犀角黃連。十劑後服犀羚貝母膏。

膏用犀角、羚羊角、丹皮、各八錢。當歸、元參、各五錢。黃連、黃芩、黃柏、防風、射干、荊芥、各三錢。牛蒡八錢。枳殼、連翹、各六錢。土貝一兩。茯苓、苡仁、花粉、各五錢。煎汁約四大碗。濾渣將汁再熬如稀糊。納煉蜜半斤。收貯磁罐。日服四次。在卯巳未亥四時。每次半鍾。以燈心湯攪和送下。忌生冷發氣之物。體弱者。去黃連、花粉。加白芍、陳皮、石斛、惡心、砂仁湯送下。如合丸藥。去黃連、羚羊角、荊芥、防風。日進二次。每次二錢。

百寶丹。牙皂一兩。銀花三兩。硃砂五錢。研細末。每服六分。以冷飯塊三兩。水三杯。煎至杯半。分作二服。服在巳午兩時。須二十餘服。方能見效。食時多服豬油麻油。以潤肌膚。臟腑。忌茶、酒、牛、羊、麵、食、葱、蒜等物。

### 熱風喉癰第十一

此證因勞心過度。血衰火盛而致。其狀喉間紅筋紅癩。或帶丁兩旁微有疙瘩。一起即覺。非弱證喉癰可比。時作寒熱。若食熱毒之物而起。不作寒熱。於此爲別。

涼血。黃湯。生地、黃芩、丹皮、牛蒡、元參、防風、荊芥、黃柏、花粉、赤芍、火甚加山梔。或犀角黃連。

### 弱證喉癰第十二

此證因酒色過度。或勞碌憂鬱所成。其狀喉間紅筋紅癩蔓延而生。津嚥疼痛。夜間發熱。口燥舌乾。六脈洪數。當以清熱補血爲主。若動靜飲食如常。形色精神不脫。無嗽無

痰。乃血分有熱。須涼血破血。不宜用補。如嗽重聲啞痰多。及盜汗不止者。不治。藥用白芍。丹皮。黃芩。當歸。元參。生地。黃柏。銀花。花粉。大力子。初起亦加荊芥。防風。連翹。枳殼。病久去之。嗽重加知母。前胡。土貝。樓仁。杏仁。熱甚加柴胡。黃連。心火盛加犀角。黃連。肝火盛加羚羊角。泄瀉加白朮。茯苓。腎水枯竭加山藥。澤瀉。枸杞。五味。知母。停酸作嘔加砂仁。虛甚加苡仁。山藥。茯苓。當歸。倍以白芍。

### 喉閉第十三

此證乃寒邪直中下焦。逼其無根失守之火。發揚於上。以致咽痛。卒然喉閉。四肢厥冷。六脈沈微。但必下利清穀。口燥咽乾。而不思湯飲。方是寒證。急宜刺少商穴出血。注見弄舌

再服煎劑。若口燥咽乾而渴。與此膏壞矣。

四順理中湯。人參。白朮。甘草。乾薑。

四逆湯。附子。肉桂。甘草。乾薑。

### 噎食第十四

此證乃熱毒積於心肺二經。咽喉乾燥而無津液。是以喉中作痛。而噎食難下也。急用當歸連翹散。加大黃利之。若治稍遲。則有飛尸癆瘵之患。如痰喘治以川桂散。加吳茱萸五七粒。服後覺心肺間刺痛。仍用當歸連翹散。

當歸連翹散。當歸。生地。黃芩。連翹。山梔。枳殼。羌活。防風。荊芥。

按當用骨槽門加減法

川桂散。

按此方原本藥品未載

### 發頤第十五

此證或傷寒發散未透。餘毒積於經絡。有與傷寒同發者。有不與傷寒同發者。其狀耳後紅腫。頭重體倦。急用千金內託散治之。外敷南星膏。若發於耳後一寸三分。或鼻中流涕。咽喉閉塞。痰涎壅聚。法皆不治。

南星膏。

按此方原本藥品未載

發於耳後名發頤。發於腮邊名穿腮。發於地閣下名穿喉。皆屬痰毒。初起破血消痰降氣。其後涼血生血。滋陰降火。惟燥熱之藥。斷不可用。刀鍼圍藥膏藥並忌。吹藥噙藥多用為妙。

### 懸癰第十六

此證乃脾家熱毒外感風熱而成。其狀忽於上腭生一紫泡。垂下抵舌。疼痛異常。口不能言。舌不能伸。頭不能低。仰面而立。鼻出紅涕。若不速治。毒入於腦。即死。急以小刀刺破癰頭。出盡紫血。不可嚙下。用菊花湯漱淨。先以菊花葉搗汁一杯。和酒送下。次進牛黃解毒丸煎。以荊防敗毒散加地丁半枝蓮。甚效。

### 喉菌第十七

此證因食膏粱炙博厚味過多。熱毒積於心脾二經。上蒸於喉。結成如菌。面厚色紫。軟



如豬肺或微痛。或木而不痛。梗塞喉間。飲食有礙。須以鍼刺出紫血者可治。鮮血者難治。日刺日有。漸如蜂窠者不治。

藥用犀角、黃芩、丹皮、僵蠶、射干、連翹、銀花、紅花、生地、黃連、黃柏、枳殼、獨活、元參、赤芍、大力子。

或年幼之人患此。不疼痛者。當以丸藥治之。日久自消。切忌刀鍼。藥用丹皮、獨活、防風、連翹、紅花、生地、荆芥、射干、牛蒡、前胡、枳殼、山查、犀角、銀花、花粉、山梔、黃芩、黃柏、元參、元胡索、蜜丸。日服二次。每次二錢。開水下。

### 牙癰第十八

此證因勞心過度。或食熱毒等物。鼓動陽明胃經之火。發於牙齦。其狀如豆大。或如指大。紫色腫硬。疼痛難忍。或頭疼發熱憎寒。先服紅內消。次進荆防敗毒散。和保命丹同服。吹藥噙藥多用。初起發散。後則涼血。如不愈。乃是體虛。當用黃耆、白朮、當歸、柴胡、陳皮、熟地、丹皮、芍藥、黃芩、石斛、元參、牛蒡、山梔。

凡牙痛或左或右。痛無定處者。前藥亦治。若誤服發散。其痛更甚。以水醋各半。和熱水漱之。即止。


咽喉證通論卷全終

救

迷

良

方



救迷良方序

右軍有言死生亦大矣豈不痛哉蓋痛夫有生之難而致死之甚易也知其難而愛之保之尙不免疾厄之夭折况明明導以速死之路而甘心蹈之至喪身斬嗣而弗顧不痛之尤痛哉今者阿片之流毒徧海內矣嗜之而死雖億兆人奚足恤然豈無將死未死忽幡然悔懼求延殘息於頃刻者是不可不有以蘇之我欲生卽生良方具在焉若朝旣欲生夕又忘死一念爲人而一念爲鬼則亦未如之何也已

道光十三年癸巳季春月望日閩中大君子命竹籟山人書於蘇撫節署平政堂之西廡

序

青浦何氏世精軒岐之術著作甚多此救迷良方乃書田翁晚年所輯治烟癮方也侯官林尙書嘗刻於楚省再刻於粵東而此閒反匙傳本翁哲嗣鴻舫長治以际予爰并刊之

道光三十年庚戌六月金山錢培名附識

世人未吸鴉片時亦能說人誠人及至臨場染指則又多方解說其入迷之故有四或以應酬爲趨時或以白喫爲便宜或借爲房中之藥或信爲却病之方自謂必不成癮乃始而掩飾繼而回護終而沈酣向之說人誠人者未幾而與之俱化矣此由時勢使然非言語所能勸誠雖百萬廣長舌亦無能爲役多見其不知諒也此刻救迷良方爲真能悔禍者聊備一籌其實卽有良藥豈能強不欲醫者而使之服况徒方乎予之曉曉不置惟恐他日一時不謹使導我先路者反唇相譏故書此以自警鴻舫屬校因書以歸之

道光庚戌七月之望南匯張文虎嘯山識

救迷良方

青浦何其偉書田氏輯

鵲丹。又名生丹

取南瓜根藤花葉及瓜。洗淨搗爛。絞汁服之。夙癮盡去。未結瓜者更佳。雖吞生烟服之亦愈。案本草。南瓜甘溫無毒。補中益氣。又截其藤有汁極清如露。西洋人以治吞生鴉片者即此。故祕其方詭也。則亦可以治癮矣。

又方。存心救苦難者。於盛夏時。將瓜藤花葉取而搗汁。置瓮中窖藏待用可也。

又方

潞黨參一兩 綿黃耆一兩 熟地黃二兩 當歸身一兩 升麻三錢 野白朮一兩 廣

上肉桂五錢 金櫻子六錢 粉甘草五錢 白芍藥一兩 柴胡三錢 鶯粟殼八錢 廣

陳橘皮五錢 五味子五錢 廣木香五錢

右爲細末。加煙灰五錢研細。煉蜜爲丸。如桐子大。硃砂爲衣。每服三錢。開水下。此藥爲救人身家性命起見。於煙癮未來之前。服三錢。每次遞減二分服之。九服可以斷癮。

戒鴉片煙第一眞驗良方序

今世之喪家敗德者。稱挾邪游樗蒲戲而止矣。孰知煙之為害。更有甚於此二者。夫挾邪樗蒲而不悟。禍斯及矣。設一悟而卒然去之。固自易易。若鴉片之為害。即使痛深悔悟。必有不可得而去者。而其欲去之心。即遷善之機。是宜為之設法補救。然歷究古方。無解鴉片煙毒之藥。鄙擬有是病即有是藥。有是藥即有剋制之物。爰據醫經。審求治理。攷諸藥性。參之古法。編輯成方。以之戒絕煙癮。頗有效驗。用特刻方傳送。俾中毒者。棄煙引如敝屣。則某之厚望也夫。

原本缺姓氏  
汪實庵著  
兗雜經  
長治案一本云杭州  
先君子刪節者

癮論

蓋人之喉管有二。一食管。一氣管。食管為飲食所由入。通於腸胃。直達下部。出為便溺。而氣管實司夫呼吸。與食管並生。下通肺心肝腎。吸則氣因之而下墜。呼則氣出而上越。呼吸之間。脾居中主。受納穀氣。以榮乎血氣。而煙之入也。則由氣管。呼吸往來。積垢於五臟之中。與受納飲食之腸胃食管。截然兩開。夫氣管為清虛之府。本不能容受纖毫微末。故雖顆粒滴水。誤入其中。即為欬逆。必出之而後快。煙乃有氣無形之物。隨呼吸而漸積五臟之內。而鴉片其味濇。故滯。其性熱。故毒。其色青黑。故入肝腎。其臭香。故走而不守。一吸而能入於肉筋骨髓之內。一呼而出。又能達於皮毛毫髮之杪。故一入五臟。則徧體內外上下無處不到。觀有癮之人。食纔下咽。則自頭至踵。其舒暢有不可言語形容者。此其明驗也。始則由漸而常。繼則由常而熟。及其熟也。藏腑賴煙而後快。



精神賴煙而後振耳。目手足賴煙而後安。一旦無煙浸潤其間。則腎先苦之。腎苦則呵欠頻頻。肝因困乏。肝困則漣漣涕淚。脾亦生痰矣。蓋脾主信。脾之感也如此。則五臟交相困矣。五藏交困。衆體無所秉令。輕則一身痿軟。重則諸痰蜂起。則又何病之不作哉。嗟乎。此之所謂癮也。既知所以起癮之由。故知所以用藥之法。其法變食爲吞。在癮之輕者。及體之壯者。卽無法無方。亦不難戒。今專爲受癮重體氣弱者立法。

醫論

受癮之病。前論詳矣。治癮之術。以煙灰爲君。附子爲用。取其走而不守。能通行十二經也。佐以柴胡之左旋。佐以升麻之右旋。沈香直達下焦。四者相合。直通上下表裏。頃刻而能徧於周身矣。蓋食煙之人。中氣鮮有不傷者。中氣傷則穀食不化。身體困乏而軟弱。故用參耆以補肺氣。白朮以補脾氣。陳皮木香以導行諸氣。此皆所以固中州之根本也。根本既固。再有當歸連柏以涼血而滋衰弱之陰氣。且連柏能殺附子之毒。以生一源之水。而制二相之火。使無夢遺等證。至氣血兩虛之人。難保無眩暈。然暈非天麻不止。故加以天麻。用甘草者。不但可補中。並可以益血。而協和諸藥也。方中和氣補脾土。雖寒熱並用。而藥味不雜。亦不相悖。製方之義然也。況此方斷癮之善。有妙不可言者。以諸藥和吞於胃。行氣於五臟。旁通於經絡。俄頃之間。卽能透徹頂踵。液髓淪肌。無處不到。較之吸煙過癮。尤爲快暢。諸病不作。煙癮不來。其中有沈香木香芳馥之氣。升

降於其間。藉附子氤氳之氣。周旋於臟腑經絡之類。日習積慣。旬日之後。臟氣與煙拒格。不但不思呼吸。即聞之亦有苦味。若勉強三五筒。未有不作嘔吐者。至是聞臭食苦。嘔吐不納。雖下愚亦知可以毅然悔悟而返矣。更有補中益氣固精養血之藥。每日去有煙灰之丸一粒。以減其癮。加補正丸二粒。以補其正。使正氣日足。邪氣自無所容。縱至重之癮。至弱之體。依法治之。未嘗不可猝然一悟而去之。易易也。雖然竊又有說焉。如服食有效。可已而不可戒。猶戀戀於燈前枕畔。則煙癮易治。心癮難醫。甘成附骨之疽。死而後已。雖有換骨仙丹。亦未如之何矣。可不戒哉。願天下有志者一經洗清腸胃。視鴉片如不共戴天之仇。常不負斯方之選矣。

忌酸丸

即斷癮丸

名之忌酸者何。因乎藥所忌也。何忌乎酸味。酸味與煙性相反也。攷本草綱目。諸藥皆有所忌。吞鴉片者與酸物齊下。可使斷腸。此方以煙灰為君。其性尚存。切忌酸物。故名曰忌酸。使人顧名思義。不致有所觸犯云爾。

洋參五錢 白朮二錢 當歸五錢 黃柏四錢 黃連四錢 炙草三錢 陳皮五錢 天麻三錢

生用 柴胡三錢 木香五錢 升麻三錢 黃耆三錢 沈香五錢 附子七分 天麻無頭

右藥共為細末。加鴉片灰七錢。入石臼杵春如泥。麪糊為丸。如桐子大。秤準分兩若干。如有癮一分。計算吞丸內有煙灰一釐。二毫為度。若有癮一錢。則吞丸有煙灰一

分二釐爲度。必以飯前吞下。否則不驗。初吞一二日。或加吞少許。令微有醉意。則便不思吸矣。吞定三五日後。每日按減一粒。加入補正丸二粒。捱次減卻。純服補正丸旬日半月。煙癮淨盡。腸胃爲清虛之府矣。補正丸方開後。

洋參五錢 白朮三錢 黃耆三錢 炙草三錢 柴胡一錢 升麻三錢 黃連四錢 黃柏四錢

當歸三錢 沈香二錢 煨天麻一錢

右藥共爲細末。麪和爲丸。桐子大。

附忌酸丸加減法

夢遺者。加龍骨牡蠣粉。紅白痢者。加黃芩。諸痛者。加重木香。再加延胡索。咳

嗽者。加紫苑。款冬花。枇杷葉毛去。咳嗽甚者。加杏仁阿膠。熱痰者。加川貝母。括蕩

殼。寒痰者。加半夏南星。下焦火旺陽舉而壯者。加重黃柏知母。目眩者。加丹

皮白菊花。小便短者。加豬苓澤瀉。水瀉者。加茯苓車前子。氣短促而腎不納

者。加破故紙蛤蚧尾。以上所加藥品。并爲丸。或煎湯作癮送下亦可。

忌酸丸方。如身體弱者。可去洋參換沙參。並去炙耆。以台黨參代之亦可。無頭暈者。

不必用天麻。身壯癮輕者。止用忌酸丸。不須補正丸。按日捱次減卻亦可。

戒鴉片煙方。此方不拘年分之長久。大癮之已成。如能照法戒定。並無難過毛病。由

來祕而不傳。茲因廣南洋行醉飲洋人。謀得此方。試驗屢效。

沈香 八分  
 肉桂 一錢  
 川貝母 一錢  
 洋參 一錢  
 炮薑 五分  
 白荳蔻 一錢  
 木香 八分  
 陳皮 一錢  
 礞石 一錢  
 建連 六分  
 丁香 六分  
 半夏 一錢  
 粟殼 一錢  
 川烏 六分  
 如另加

珍珠犀黃各五分。其效更速。  
 右方共為細末。加用鴉片煙二錢。燉化和藥末為丸。如太乾不能成丸。再加飯湯少許。須用硃砂為衣。分丸四百粒。如一分癮者。每日飯前兩丸。重癮遞加。癮止藥即止。服完後尚不能止。須用第二料。藥料同。惟煙灰只可加用一錢五分。候癮全退始止。倘願再服此方。可不必加。只用原方藥料為丸。每日服之。更為妥便。或尚有些微煙癮。未能淨盡脫除。食用第三料。然煙灰只可加用五分矣。第世人好此者。興致甚濃。雖見此方。未必肯立志戒定。此方雖妙。仍屬無益。煙之誤事害人。不可勝言。水窮山盡。病入膏肓。始知此方之可寶。豈不遲哉。

又方二

西黨參 三錢  
 金櫻子 四錢  
 制淨鶯粟殼 五分  
 黃耆 二錢  
 懷牛膝 三錢  
 當歸 三錢  
 廣木香 五分  
 杜仲 三錢  
 橘紅 八分  
 白茯苓 二錢  
 續斷 二錢  
 升麻 五分  
 茯神 三錢  
 紅棗 五枚  
 蓮心 粒十  
 頭劑加煙灰五分。二劑加灰四分。三劑加灰三分。四劑加灰二分。五劑加灰一分。每日早起空心煎服。次煎晚間服。

丁香 二錢  
 檀香 二錢  
 枯礬 二錢  
 伏鹽 五錢  
 白芷 二錢  
 蒼朮 二錢  
 草烏 二錢  
 白荳蔻 錢一

槐實五錢 橘紅二錢 杜仲二錢 半夏二錢 古月一錢 白朮三錢 五味

二錢 川烏二錢 共為細末。每藥一兩。對鴉片灰四分。將米湯化開。然後將藥末沖

下。煉為丸如黃豆大。硃砂為衣。每一分癮服二粒。或五日或二十日減一粒亦可。此

方斷癮最靈。

新得戒煙良方 此方自海上傳來

生甘草一斤 赤砂糖一斤 川貝母去心研細末四錢 鴉片煙灰四錢

右四味以清水十餘碗。入銅鍋更好煎一二時。至極濃為度約四。將渣瀝出。取汁置

瓷器內。擱靜室無人行處。每朝以開水溫燉服一酒杯。晚間臨臥時再溫服一杯。藥

盡不能斷癮。仍照方煎服。無有不效者。

卷中所錄諸方。以鵲丹為第一次。則新得良方。藥僅四味。亦甚簡易。餘方並存。以備

採用。

道光甲辰重九訪鴻舫何兄於葑門彭氏寓齋談次出其先尊公書田先生所輯救

迷良方喜為得未曾有爰假歸錄副方論言言金玉真大醫王之黃昏湯也惜溺此

者食而甘之何小浮山人潘曾沂識

救迷良方卷終

太乙

示申

金鍼

空

中

為



原序

雍正間粵東潮州鎮軍范培蘭留心壽世徧閱方書深歎議論不一而人之疾病亦不一以不一之議論治不一之疾病豈不憂憂乎難之然繩墨貴乎變通成法不可拘滯慨夫今之庸醫不分經絡受病之由不按陰陽表裏之症專以湯頭爲準舛誤甚多藥之不效實由藝之不精也夫以微茫變化之經脈概執成方以治病一涉疑似卽有毫釐千里之謬人命至重可不慎哉欲於診視之外求所以治病之神與去病之速莫若鍼砭之法其法或用鐵鍼或用金石或用艾灸燈灼種種不一雖有救急之功而焦頭爛額傷其肌膚是一病未除又增一病亦非善道惟雷火鍼一法最爲善治但考其藥品多用蜈蚣烏頭巴豆等物率皆猛烈劫制倘遇孱弱羸怯之軀貽害不免每爲躊躇適有道人踵其署而傳其祕號曰太乙神

太乙神鏡 序  
鍼製同雷火法而藥皆純正且用法隔布七層不傷肌肉非若鐵鍼與金  
石艾灸者令人徬徨畏懼也范鎮軍心竊喜之擇吉依法製造每遇人有  
風寒暑溼痼疾沉疴治無不效卽多製藥鍼詳列症治遍送世人數十年  
來濟人不少山陰王君大德得其鍼法會稽沈君士元任江寧尉患手指  
麻木王君鍼之立愈沈君遂亦製鍼遍贈壬辰秋予得其傳因足染木疾  
多年不愈如法製鍼未及自治先治癆病兩人風病一人血病三人無不  
應手而愈予病亦隨治卽痊洵乎此鍼功效異常其爲仙傳無疑願與當  
世寶之

浙東周雍和識

太乙神鍼方

製鍼方

艾絨三兩 硫黃二兩 真麝 乳香 沒藥 松香 桂枝 杜仲 枳殼 皂角

細辛 川芎 獨活 穿山甲 雄黃 白芷 全蠍錢各一

右為末。稱準分兩和勻。預將大紙裁定。將藥鋪紙上厚分許。層紙層藥。凡三層。捲如大指粗細。杵令極堅。以桑皮紙厚糊六七層。再以雞蛋清通刷外層。務須陰乾。勿令洩氣。

用鍼法

一用鍼先審是何病症。取何穴道。用筆塗記其穴。以紅布七層。安於穴上候鍼。

一將鍼向燈燭上燒透。對正穴道。放於紅布上。候藥氣溫熱。漸透肌膚。直入病奧。便覺氤氳清爽。應效之速。難以言傳。若太熱。將鍼略提起。俟熱定再鍼。以七記數。少則一

七多則七七。

一燒鍼務令著透。輕重浮沉。按須得法。鍼火若滅。再燒之。

一用過藥鍼。以極乾竹筒封藏。勿令受潮洩氣。便可復用。

一宜天氣晴和。明窗淨几。密室無風之處。敬謹焚香。如法用鍼。登時奏效。更須擇吉。若遇人神所在之日。不宜鍼灸。切須忌之。

一鍼後靜臥片時。使藥氣周流暢達於臟腑脈絡之間。然後起飲醇酒數杯。借酒力以行藥氣。微醺爲度。切忌冒風。

一鍼後務宜謹攝起居。保養元氣。禁止房事。撙節飲食。


逐日人神所在不宜鍼灸

- 初一 大指 初二 在鼻 初三 在內 初四 在腰 初五 在口 初六 在手 初七 在內 初八 在腕 初九 在尻 初十 在股
- 十一 在梁 十二 在際 十三 在齒 十四 在腕 十五 在身 十六 在胸 十七 在手 十八 在內
- 十九 在足 二十 在內 二十一 在小指 二十二 在腕 二十三 在足 二十四 在陽 二十五 在陽
- 二十六 在胸 二十七 在膝 二十八 在陰 二十九 在膝 三十 在趾


穴道取寸法

以男左女右手中指第二節。屈指兩紋尖相去爲一寸。取稻草心或薄篾片量之。

客夫 穴道圖仰面



# 穴道圖合面



凡中風頭風風癩角弓反張忘前失後氣絕脫肛目淚耳聾鉞百會穴從鼻直上入髮際五寸

實指處醫家金鑑云直上兩耳尖頂陷中

凡腦冷鼻塞腦漏汗不出目睛痛鉞上星穴從髮際直上四寸

凡頭疼目眩出淚流涕鉞神庭穴從鼻上直入髮際五分

凡喉癢喉風哮喘氣噎肺癰咯血喉中有聲鉞天突穴結喉下二寸陷中

凡心腹疼痛驚悸痰疾伏梁氣壅狀如覆盆黃疸積塊熱病腹鳴飲食不化虛勞時症

血痰風癩等症鉞上腕穴五寸上

凡翻胃吐食心下脹滿狀如伏梁傷寒飲水過多腹脹氣喘寒癖飲食不進赤白痢面

色痿黃五隔鉞中腕穴四寸上

凡肚腹堅硬痞癖氣塊小便赤澀身體羸瘦翻胃氣脹不嗜食飲食不化鉞下腕穴下腕

寸二

凡男子陽事久憊婦人經水不調及滯氣成塊狀若覆盆腹脹氣喘心臍下冷痛面赤

藏氣虛憊真氣不足一切氣疾不化肌瘦四肢無力奔豚七疝腹脹結塊脫陽陰症

羸縮婦人臨經行房羸瘦崩中月事不調產後惡露不止繞臍絞痛閃著腰痛小兒

遺尿鉞氣海穴寸五分一

凡男子遺精白濁臍下冷痛小便痛澀遺瀝溺血婦人赤白帶下經水不調胞門閉塞

胎漏下血。產後惡露不止。鍼關元穴。三寸下

凡男子奔豚搶心。遺瀝失精。五淋七疝。小便赤澀。婦人經水不調。不受胎孕。冷氣積聚。

冲心。臍下結塊。失精無子。胎衣不下。惡露不行。血結成塊。子門腫痛。小腹寒痛。陰痒。

痛。臨經行房瘦弱。鍼中極穴。四寸下

凡目痛內障。赤白翳。腋腫脇下痛。鍼臨池穴。從兩目中直上入髮際五分陷中

凡兩額暴痛。口眼歪邪。牙關緊閉。失音不語。鍼客主人穴。兩耳前骨上陷中

凡傷寒結胸。咳嗽吐膿。肚腹膨脹。霍亂吐瀉。婦人熱入血室。產後飲食不進。鍼期門穴。兩乳下第一助骨端

凡夾臍痛。冲心。腹痛。赤白痢疾。泄瀉。飲食不化。男子一切血損。婦人結血成塊。鍼天樞

穴。臍旁各開二寸許陷中

凡手臂痠痛不能提物。鍼肩髃穴。肩端兩骨間

凡偏風不遂。兩手拘攣。捉物不得。臂細無力。肘內寒冷而痛。傷寒餘熱不盡。舉體痛癢。

如蟲嚙。皮脫癩癧。癩疾癰癧。鍼曲池穴。屈手按肘骨橫紋尖盡處

凡風痺。手臂不舉。汗出中風。小兒慢驚痰瘡。鍼尺澤穴。肘中動脈處即肘骨橫紋當筋中

骨中

凡手臂不仁。肘彎難伸。偏風痛疼。頰頰紅腫。齒痛瘰癧。鍼手三里穴。曲池下二寸起



凡兩腿麻木。左癱右瘓。行步不得。一切脚氣。鍼風市穴。端立垂手於處

凡疝氣。遺溺失精。足痿不能行。鍼三陰穴。寸內取。大骨下。隔上。中

凡十般水腫。四肢厥逆。咽喉引痛。久瘡不食。惡聞人聲。口歪齒齩。鍼內庭穴。指太指中

間動脈應

凡白濁溺難。腹脹心痛。欬逆吐血。煩悶短氣。手足浮腫。四肢厥逆而冷。鍼行間穴。指太指中

指岐骨縫間動脈應手隔中

凡小腸疝氣。小便頻數。陽縮入腹。陰囊偏大。臍腹腫脹而痛。尸厥如死。脚氣紅腫。行步

艱難。婦人血崩。鍼大敦穴。足大指端去爪甲垂葉許毛以上正面

凡耳聾虛鳴。脫頰口噤。煩腫牙疼。鍼風池穴。在耳後隔中

凡五勞七傷。徧身發熱。諸般瘧疾。鍼大椎穴。第三節頸骨上

凡脊脊強痛。欬吐不止。癩狂譫語。癧癧發熱。鍼身柱穴。大椎穴下三節骨

凡上氣喘不得臥。鍼靈臺穴。第六節骨

凡腰腹引痛。頭疼如破。裏急瘕瘕。鍼命門穴。十四節骨

凡腰膀脊痛。不能俯仰。足痺不仁。婦人月水枯閉。鍼腰俞穴。尾此骨節

凡傳尸骨蒸。肺痿吐盟。咳嗽胸膈氣喘。鍼肺俞穴。三經骨下。取右有動

凡五勞七傷。諸虛百損。肺痿咯血。咳嗽吐痰。寒熱往來。四肢無力。人身百病。無不主之。

鍼膏肓穴

四椎骨下兩旁各開一寸五分金鑑云正坐曲脊脊上角也

凡血症心痛翻胃吐食自汗四肢怠惰

鍼膈俞穴

第七脊下各取之

凡多怒躁急氣促欬逆目眩黃疸

鍼肝俞穴

八脊下各

凡骨蒸勞熱舌乾咽痛頭疼目黃食不下乾嘔并諸血症

鍼膽俞穴

第九脊下各取之

寸故不從寸半之說

凡諸般黃疸四肢不收痺痛膈疼久患泄痢翻胃吐食膈氣積聚痰癰寒熱

各開二寸

凡胃寒腹脹腸鳴翻胃嘔吐小兒羸瘦

鍼胃俞穴

十一脊下

凡腎經虛憊腰痛如折便血出精陰痛身熱耳聾目眩膝攣足寒

鍼腎俞穴

亦有一寸五分金鑑云與脾平

凡五痔腸癖兩腎尖痛泄瀉久痢陰汗濕癢腸風脫肛

鍼會陽穴

尾骨第四節下各取之

開寸半亦可金鑑云五分

凡狂悗煩悶驚風掣肘不得屈伸

鍼腕骨穴

手外側腕前起骨下陷中即小指直上處

凡鼻血不止唇吻不收痞不能言口噤偏風風疹頭痛

鍼合谷穴

大指次指歧骨間陷中即虎口兩又骨端中

凡中風中痰半身不遂腰膝強直股痛相引腰脇不得轉側諸風寒濕風痹風疹等

環跳穴

在髀中側臥屈上足伸下足取之足後跟到處即是水腫曰股股上曰髀中側臥屈上足伸下足取之足後跟到處即是水腫曰股股

凡五勞七傷。翻胃氣膈。腸鳴肚痛。疝癖膨脹。胸膈蓄血。咳嗽稠痰。腿膝酸痛。足痿失履。  
鍼足三里穴。膝下五寸行外膝以手掌按膝頭中指尖到處股外旁也膝蓋骨下三寸在帶骨外腕兩肋肉分宛宛中平坐垂足取之在骨金經作大筋肉  
以上按穴治病。不可舛誤。如遇週身疼痛。跌蹠損傷。骨節疼痛。瘀血不散。及癰疽發背。對口疔瘡。痰核癰痺。一切無名腫毒。各於患處鍼之。痛者鍼至不痛。不痛者鍼至痛。即愈。倘水陸舟車。客途旅次。以及窮鄉僻壤。無藥之處。帶備神鍼。見病即鍼。鍼到病除。真屬快事。不但保身。兼可積德。願與同志廣為傳布。以濟世焉。

### 附太乙神鍼灸法

用生薑一大片。厚二分許。中穿數小孔。平放應針穴道之上。用麪捏一小碗如酒杯大。碗底亦穿數小孔。將神針內藥料折出。再加蕪艾絨少許。捏作團。置於碗內。點燃平放於薑片之上。頃刻之間。藥氣即可透入。如覺甚熱。將薑片略擡起。停片刻即再放下。看碗內藥將燃盡。即取起另換。每一次換藥三四回。便可收止。每日或一次或兩次不拘。

太乙神鍼。有兩種用法。一將鍼懸起。離布半寸許。藥氣自能隔布透入。一將鍼實按布上。藥氣更易透入。然懸起一法。取效較緩。實按一法。輕則布易燃。重則火易滅。均有微礙。不如以鍼為灸。較為妥當。取效亦速。今夏余右臂患麻。左膀作痛。數月未痊。山陰唐煜軒大令。以所製太乙神鍼授余。先用懸鍼法。痛麻雖減。而未能脫然。繼用

實按法。苦其不便。因變而爲灸。又思灸法。皆用艾作團。點著置所患處。顧團小則藥力不濟。團大則皮膚易傷。故用麪碗隔薑灸之。收束艾火。不使零星散亂。而藥氣溫暖。半刻許已直透病奧。頓覺肌腠筋絡之間。氤氳暢達。余每日灸一次。凡三日而所患若失。竊謂此法可爲太乙神鍼之一助。用敢詳疏其法。刊附書後。公諸世人。

咸豐六年十二月朔。滄洲葉圭書識於濟東道署。

同治甲子春奉檄赴漢。督銷淮鹽。偶因渡江閃腰痛楚。不可行坐。舊好王省三司馬授此鍼法。試效如神。原刻穴圖。病原間有舛誤。因略加考證。重授梓人以廣其傳。秀水杜文瀾識。

太乙神鍼終